







Centuria  
EXQUISITISSIMORUM  
SYMBOLORUM  
ET  
EMBLEMATUM

Historiarum Sacro - Prophanarum  
Moralium & Politicarum Cultoribus  
perquam utilis & necessaria

*Ex Eruditissimis Prisci & moderni sæculi  
Auctoribus Collecta*

Quæ propter illorum Præstantiam  
tanquam

*Continuatio famose*

OACHIMI CAMERARII  
intitulari potest



FRANCOFURTI  
sumptibus LUDOVICI BOURGEAT  
Moguntinensis Bibliopolæ Academici  
Typis CHRISTOPHORI KÜCHLERI  
ANNO M. DC. LXXX,







• SELECTA  
EMBLEMATATA  
SACRO - POLITICA.



Emblemata selecta

I.

TRINUM.



*Est Deus, esse suum, noscendus Trinus & unus;  
Prende fide, humanâ quod ratione nequis.*

DEUM



## Sacro-politica

### I.

**D**EUM esse TRIUNUM Christiani  
veritate profiteamur, & cuncti in Baptis-  
mate confessi sumus ac vovimus. Attesta-  
tur id Christus, Matth. 28. *Euntes docete*  
*omnes gentes, baptizantes eos in nomine Patris, & Filij, &*  
*Spiritus sancti.* Et S. Joannes 1. Joan. v. *Tres sunt, qui*  
*testimonium dant in Cælo: Pater, Verbum, & Spiritus san-*  
*ctus.* Tres sunt personæ non una; ideoque disting-  
uimus sed unam ab aliâ non separamus. Patri attri-  
buitur Potentia, Filio Sapientiâ, Spiritui Sancto  
amor & bonitas. O pater, ô Fili, ô Spiritus Sancte!  
Unusquisq; vestrum Potens est, imò Omnipotens.  
Unusquisque Sapiens, imò ipsa Sapiëntia.  
Unusquisque Bonus, imò ipsa Bonitas, A Vobis  
sunt omnia, per Vos omnia, in Vobis omnia. Imò  
a Te, per Te, in Te (quia una sola es Divinitas, ô  
S. S. TRINITAS) sunt omnia. Attestatur David  
Psal. 85. *Tu es Deus solus.* Et Ecclesiasticus 1. *Vnus est*  
*altissimus Creator omnipotens, & metuendus nimis. Tres*  
*sunt, qui testimonium dant in Cælo &c. & hi tres unum sunt.*  
1. Joan. v.

Sed quid Solem intuemur? Si sapimus, oculos  
claudemus. Fides Talpa sit, oportet. Nimirum  
non posse in parvulam fossam exonerari Oceanum,  
Augustine docuisti. Manu tamen non semel ad  
tanta mysteria nos duxit Cælum.



Emblemata selecta  
II.  
A DEO OMNIA.



*In Domino sumus & nos vivimus, atq; movemur,  
Spiritus hic radiis omnia Lucis agit.*

A DEO



## Sacro-politica.

### II.

**A**DE O omnia, sine labore, sine difficultate, sine  
resistentia. Creavit omnia, conservat, & ab  
illo omnia pendent, atq; in nihilum redirent, sine  
ejus manu sustentante. Omnia egent ejus po-  
tentiâ; quia sine illa nec Sol lucere, nec ignis cale-  
facere, nec homo se posset movere. Et cum homo,  
Cælum, Sol, Angeli ex nihilo sint, nec actionem,  
nec motum, nec stabilitatem habent sine illo; *Om-*  
*nia portat verbo virtutis suæ*, inquit Apostolus Hebr.  
.iii. quia sc. nutu & potentiâ sustentat totum pon-  
tus creaturarum; quasi Atlas mundi, simul mo-  
vens, moderans, ac gubernans omnia. Est Deus  
quasi Currus portans totum mundum, & sustentans  
omnes creaturas, quæ alioquin redirent, in nihi-  
lum; Ipse quoque simul est Auriga, currui præsi-  
dens, movens & gubernans tum per se, tum per An-  
gelos; quia eorum ministerio rotas hujus currus  
moveat, regitq; per eas gyrans Cælos, tempora,  
esq; omnes fortiter ac suaviter disponens.



Emblemata selecta

III.

FATA VIAM INVENIENT.



*Laetatur mundi mediis Ecclesia in undis :  
Sed tamen in portum ducit agetq. Deus.*

FIDE



**F**IDES Christiana & Ecclesia Catholica innumeras passa est persecutiones, non solum hæreticorum plurimorum, qui conati sunt diversimodè destruere fidem Catholicam, sed maximè passa est tribulationes & persecutiones à Tyrannis, Infidelibus, Regibus & Imperatoribus, non uno solum, vel duobus, sed plurimis, & per universum orbem, ut à Nerone, Domitiano, Trajano, Antonio, Severo, Galeno, Juliano, Decio, Valeriano, Diocletiano, Maximiano, Maxentio, & aliis multis, & tamen nunquam potuit prosterri, licet, persecutiones habuerit non solum in temporalibus, sed & in spiritualibus. Enim verò fuere, qui non modò verbis, sed & sanguine usque ad mortem eam defendere voluerunt. Tanto autem magis præclara extitere fidei nostræ testimonia, quantò innumerabiles penè Martyres pro ipsâ sanguinem fuderunt. Ait enim Hyeronimus in Prologo Martyrologii- quod nullus in Anno dies, exceptis Calendis, in quò non possit Ecclesia Festum 5000. Martyrum celebrare; Et hoc valdè mirabile fuit, quod in toto terrarum orbe, tanta hominum multitudo, pro eo, quem nunquam viderant, tantis se cruciatibus exponeret, ac mortem libenter sustineret; Itaque verum:

*Fluctant; ast nunquam mergitur illa ratis*



Emblemata selecta  
IV.  
CÆLESTE TRAHIT TERRESTRE.



*Non venit ad patrem, nisi quem Pater attrahat ipse;  
Nostra Dei est manui subjienda salus.*

DEI

000077



Sacro-politica.

IV.

**D**EI in homines amorem testatur Vocatio, Qui quantus & amor Dei & honor hominis! Indigni tamen amore hoc & honore multi; Ad nuptias vocati adesse noluere: nemo autem intravit, nisi vocatus; quia Rom. ix. *Non volentis, nec currentis; sed misericordis est DEI.* Et Joan. 6. *Nemo venit ad me, nisi Pater meus traxerit eum.*

Magna Dei attributa hæc duo sunt: Misericordia & iudicium; Sic una in Vena aurea inerat Manna misericordiæ, Hebr. 9. & Virga Aron, ad memoriam iræ in seditiosos exercitæ. Pro parvulis & superbis. *Sic placitum est tibi.* Matth. xi. Crede, time; mare ne metiare; Labyrinthum inire fuge. Hoc noris: Prædestinatio purè fit, sine intuitu meritorum; quia misericordiæ est actus:

At reprobatio fit intuitu peccatorum, quia iustitiæ est.

Cooperari autem debemus vocanti Deo. Conformanda humana voluntas cum Divina,



Emblemata selecta

V.

MULTI VOCATI PAUCI ELECTI



*Ad verbi sonitum divini rarus anhelat  
Pars potior mundi delicias sequitur*

DEUS



## Sacro. politica.

### V.

**D**EUS Sacro in Elogio, se nominat Patrem familias. Hoc est nomen, quod sibi ipsi tribuit Deus, & adeò illi convenit, ut dicat Job. xxxviii. *Quis est pluviae Pater? aut quis genuit stillas roris?* Omnium rerum Pater vocatur, usque & guttæ aquæ, & roris, quia omnia creat & conservat. Non dicitur Dominus familias, quod est nomen Majestatis, sed pater familias, ut nos confortet atque invitet, ut libentissimè ad ejus servitium accedamus. Verum homines adeò sunt ducibiles ad proficiscendum in vineam Sathanæ, ut quamvis non vocentur, aut præmii aliquid illis promittatur, omnes illuc pergant.

*Adusterinae plantationes*, Sap. IV. Plantæ illegitimæ, quanquam bene agere proponunt, cum vocantem Deum, ac prædicationem audiunt, postquam tamen illic exeunt, nihil est amplius. Sicut ova, quæ sunt in igne, sudant & à se guttas aquæ emittunt: ab igne verò separata, ut ante sicca remanent. Unum est ex signis reprobationis, quod quis prædicationes audiat, nec ex illis fructum percipiat. Affirmat id Paulus: *Terra sæpè venientem super se bibens imbrem, & germinans herbam opportunam fillis, à quibus colitur, accipit benedictionem à Deo: proferens autem spinas ac tribulos, reprobæ est, & maledictio proxima, cujus consumatio in combustionem* Hæbr. vt.



Emblemata selecta

VI.

NOSTRUM POLITEUMA IN  
COELIS.



*Patria non nobis hic est; quærenda supernè;  
Hanc pete, sustuleris si grave carnis onus.*

Justus



**J**ustus est in patriam amor. Hunc omnibus natura inſeuit, ut vel ſanguinem pro ea fundere dulce ſit, & glorioſum. Dulce etiam ac delectabile eſt vitâ, luce, præſentibus gaudere: verùm ad alium longè eminentiorem homo creatus eſt finem, nempe ut hîc in terris Deo ſerviat, obtemperat, colat, amet, ac tandem finita mortali hac vitâ, eo in Cœlis fruatur æternum. Ne aſſimiletur Epicureis, qui Deum, ejuſque providentiam negârunt, ac libidinibus fue-  
re & voluptatibus deditiſſimi, Horat. lib. i. Epist. 4. Complures terræ filii, Struthionis inſtar, volare neſcij, mentem ad ſuperna tollere neſciunt, humi tantum curſitant, ac per ima repunt. preſſi & amore terræ ac pondere. Aſt in Cœlum cum S. Auguſtino in Soliloquio animæ, c. 21. elevanda mens eſt, dicendumque: Si, mi domine, pro corpore hoc ignobili & corruptibili tam magna & innumera beneficia præſtas à Cœlo, aëre, terrâ, mari, luce ac tenebris, calore & umbrâ, ventis & pluriâ &c. Qualia, quæſo, quam magna & innumerabilia erunt illa bona, quæ præparaſti diligentibus te in Cœleſti illâ Patriâ, ubi te videbimus facie ad faciem? Si tanta nobis facis in carcere, quid ages in Palatio? &c. Illuc itaque aspira. Illuc per bona operam Scalam tibi fac, ut in Cœlum concendas.



Emblemata selecta  
VII.  
IBI COR, UBI THESAURUS



*Quid mihi cum vanis thesauris? Nam cor ibidem  
Est, ubi thesaurus, Christus, in arce Poli.*

Aurum



**A**Urum sitiunt mortales; & propterea tanta est temporalium cura, ut patet in diversis hominum laboribus; alii namq; in Scientiis. alii in mechanicis artibus, alii in agricultura laborant.

*Impiger extremos currit mercator ad Indos.*

Atq; idcirco Poëtarum non nemo eleganter cecinit:

*Numerus honoratur, sine nummis nullus amatur.*

*Nummus ubi loquitur, Tullius ipse tacet.*

Verum nihil iniquius, quam amare pecuniam, inquit Ecclesiasticus. Et veteres dixere, nihil esse tam angusti animi, tamq; parvi, quam amore divitias. Nihil honestius, magnificentiusq; quam pecuniam contemnere, si non habeas, si habeas, ad beneficentiam liberalitatemq; convertere. At complures majorem habent Marsupii curam, quam vitæ, ut est apud Novium, de propr. rerum. *i.* Dixi-  
rim ego quam vitæ æternæ; terrenis tantum per fas & nefas inhiantes, atq; ibi Cor eorum, ubi thesaurus, dicente Christo. Enim vero in Cœlis thesauri-  
randum; qui id agunt, veras sibi, firmas ac nunquam perituras acquirunt divitias; nam ut canit Mantuanus:

*Est requies i' i'e, illic aterna voluptas,*

*Perpetuus splendor, gaudia, risus, amor.*



Emblemata selecta  
VIII.  
DESINIT HUMANUM DIVI-  
NUM INCIPIT.



*Deficit humanum, ne defice, quando levamen;  
Nam Deus ultra humanum sugerit unus opem.*



**S**pes ac fiducia in Deum nunquam est deponenda.  
 Hujus rei in David vide admirabile exemplum  
 11 Reg. XIII. Job tribulationes adeò depressere, ut  
 omnes eum ad priorem fortunam nunquam rever-  
 surum crederent, at hac eum abyssò educit Deus,  
 sterquilinum in jubilum commutat, divitias ei  
 multiplicat, ac centum quadraginta annos vitæ  
 addit. Jonas, quantumlibet duplici ergastulo,  
 ventris scil. Ceti ac Maris conclusus esset, Deus ta-  
 men ad eum penetravit, atque incolumen in littus  
 stitit. Jonæ III. Daniel in lacu Leonum, Regio  
 Sigillo obsignato, versabatur, quæ nemo adire præ-  
 sumebat, Deus tamen eundem ingressus est, ac Pro-  
 phetam in libertatem vindicavit. Dan. VI. Spes  
 nobis hîc peregrinantibus est baculus, quo nixi  
 sustentamur, ac viarum molestias superamus, etiam  
 tunc, cum gravissimæ nobis incumbunt. Illa flu-  
 quantis animæ sacra est anchora, tutissimum salu-  
 tis perfugium, quo omnes hujus vitæ, vere furem-  
 tis Oceani, fluctus ridentur.



Emblemata selecta  
XI.  
SUPRANATURAM PRÆSTO  
EST.



*Credet tibi noceat, nec terra, nec unda, nec ignis,  
Si tibi natura Rector & Antor adest.*

Nihil



## Sacro-politica

### XI.

**N**ihil Deo est impossibile, ac penes eum omnium locorum claves custodiuntur; ingreditur ille, & egreditur, quocunq; visum fuerit. Extremis in necessitatibus suos servat, eisq; fert opem. Tres hi pueri in succensâ fornace constituti erant, flammis undique circumvallati, adeò, ut nullus effugio locus pateret? illa tamen omnia vis divina penetravit, atque ipsos incendio liberavit. Dan. 11. Quomodo si rugiat Leo, & catulus Leonis super prædam suam, cum occurrerit ei multitudo pastorum, à voce eorum non formidabit, &c. Sic protegit Dominus &c. Isai. xxxi. Ecce, quod verbis exaggerat Dominus sedulam curam, quâ de servis suis gerit! duabus dissimillimis rebus se confert: Famelicis Leonibus, & avibus volentibus nidos protegere; quorû alteros naturales vires fulciunt, universos timores contemnant; alteras verò intus pullorum amor compellit, ne ulla pericula pertimescant. Leo famelicus nullâ Pastorum cohorte, nec canum latratibus deterretur, ut prædam è dentibus dimittat; Avilq;, quamvis imbecillis sit, ut pullos tueatur, nullum timet periculum; amor enim vires addit, quæ sibi à natura negantur. Quibus similitudinibus voluit dominus demonstrare, quàm securi sint servi sui, siquidem ad defensionem eorum tam supernum amorem ac potentiam habent.



Emblemata selecta  
X.  
TRAGICUS TYRANNORUM  
EXITUS.



*Vig. dolisq; strophas neclit sine fine Tyrannus:  
Sed tragicam metam non superare valet.*

Tyran.



Sacro-politica.

X.

**T**yranni nec lege diriguntur, nec ratione; stat  
pro ratione voluntas. Hi sunt persecutionum  
Aquilones, Austriq; truces. Prodit Damasus Papa,  
in vita S. Marcelli, solum Diocletianum brevi  
tempore XVII. Christianorum millia exquisitis  
necibus disrutiasse. Eusebius de sua prodit ætate,  
in Hist. Eccles. Lib. VIII. c. II. carceres omnes Chri-  
stianis refertos, nec aliis locum maleficis fuisse; Ea  
tempesta CCXXX. obsorpsit. Cætera quis fando  
memoret? Successerunt Hæreticorum turbines:  
Arianorum, Copronymi Imp. Iconoclastæ; Quis  
Turbo Lutherus? Quæ Furia Calvinus? Dicamne?  
*Nunc Cinise est, ubi Troja fuit.* At funesti fuere Tyran-  
norum exitus. Infelices nacti mortes sunt Hære-  
tici.

Virg. VI. Æn. *Discite iustitiam, moniti, Et non temnere  
Divos.*



Emblemata selecta  
XI.  
SIC PORTARE SUOS DEVS AD-  
SOLET.



*Quisnè Aquilam excelsa fore credat in aethere tutam?  
Et tutum, quem alis fert Deus ipse aquilæ;*

Majo-



**M**Ajori semper necessitati accurrit Deus : Ut cor lateri adest infirmiori sinistro , & ipsi pavore palpitanti sanguis affluit opitulaturus ; ita Dominus. Videntur justii , quasi quorum obliviscatur Deus : Licet verò corpus patiatur , animam ipse gratia roborat ac recreat. Tangi finit corpus , at animam servat , Dei thalamum , eamq; dona gratiæ plura , quàm Salomonis lectulum ambiunt. Semper præsto suis adest Deus. Sennacherib Assiriorum Rex arctissimè obsidebat Hierusalem , Et Rex Ezechias orabat Dominum : permisitq; Deus ad extremum discrimen adduci Davidem & Ezechielem ; & eo in articulo liberat. Beatus , cujus Dominus defensor ejus , Sub umbra alarum suarum eum proteget : Itaq; si exurgat adversum illum prælium , si castra erga eum consistent , non timebit ; Dominus protector vitæ ejus , à quo trepidabit ?



Emblemata selecta  
XII.  
SIC LIBERAT PERICULIS.



*Tum Domino servire tenetur Signis & ather  
Eriperc æumnis cum volet ille suos.*

Per



**P**ersequabatur Israëlitos Pharaos, & ad unum omnes internitioni dare volebat : verum tollens se Dei Angelus denocte in columna ignis, de die in nubis illos columna ducebat protegebatq;. Dominus, ait Regius Propheta, Protector vitæ meæ, à quo trepidabo ; custodit suos per Angulos Deus, multis periculis corpus ac vitam nostram eripiens ; cum enim vita nostra variis sit obnoxia casibus ac discriminibus, ab elementis, animalibus, dæmonibus atq; hominibus, ab his hominem protegit Angelus. Immittet inquit Psalmista, Angelus Domini in circuitu timentium eum, & eripiet eos. Protectio hæc manifestè apparuit circa Tobiam, cap. vi. & xii. Apparuit, & in filiis Israël, quos per varia pericula deduxit Angelus, Exod. xiii. Hinc & Judith gratias agens de hac protectione dicebat, Exod. xiii. Vivit Dominus ; quia custodivit me Angulus ejus, &c. Quoties ergo vel iter, vel opus alipud periculosum aggredimur, Angelo, tanquam protectori nos committamus, dicamusq; :

*Angele qui meus es Custos, pietate supernâ  
Me tibi commissum serva, defende, gubernas.*

Emblemata selecta  
XIII.  
REX REGVM REGES REGIT.



*Cor Regis in manu Dei est;  
Is flectit illò, quò velit.*

Corda



**C**orda Regum in manu Dei sunt, ex, quocunq;  
voluerit, inclinat. Probos juxta cor suum,  
dyscolos pro populorum noxis evehet. In furore  
suo Reges concedit, & in indignatione sua affert.  
In pervicacis plebis flagellum Reges sublimat.  
Reges regnare, & conditores legum justa decernere  
præstat. Regum balthæum dissolvit, & renes eo-  
rum fune præcingit. Despectionem super princi-  
pes effundit, & oppressos revelat. Sedes ducum  
superborum destruit, & mites pro eis surrogat.  
Consiliarios in stultum finem, & judices in stupo-  
rem adducit. Gentes multiplicat, & perdit, subver-  
sasq; in integrum restituit. Regum à se evektorum  
ministeria perpendit, & cogitationes scrutatur.  
Profunda de tenebris revelat, & umbram mortis in  
lucem profert. Apostasiam Regibus, & impieta-  
tem Ducibus imperterritè exprobrat. Gentes in  
virga ferreâ regit, & Cedros Libani confringit.  
Nullius personam respicit, nullius magnitudinem  
veretur. Pusillum & grandem æqualiter curat,  
cuiq; pro meritis retribuit. Judicium durissimum  
Rectoribus minatur, Hierusalem in lucernis lustrat.  
Potentes potenter torquet, fortiores fortiùs cru-  
ciat. Cui appropinquare, clarescere est, Quem ti-  
mere, gaudere est. Cui servire regnare est.

Emblemata selecta  
XIV.  
SORTES HUMANÆ.



*Sortes hominum jactit :  
Dei sed ad nutum cadunt.*

Sortes



Sortes ducere assolent mortales. In scripturâ sunt dispare : bonæ & malæ. De bona bonorum gloriatur Paulus Col. 1. Qui dignos nos fecit in partem sortis Sanctorum. In hanc sortem, ut duceret idem gentes, se vocatum, ait : Actor. xxvi. Ut convertantur à tenebris ad lucem, & de potestate Sathanæ ad Deum &c. De malorum sorte malâ, Eccles. vi. inquit : Animam nequam disperdet, & deducet in sortem impiorum. Infelix sors, vanâ ac momentaneâ. Jam verò hoc etiam attende : sors bona à solo Deo est : Sortes mittuntur in sinum ; sed à Domino temperantur, Proverb. xvi. Ita Dei gratia datur, cui vult prædestinator Deus. In hanc vocamur. Huic cooperandum. Similes esse debemus lapidi Abeston, de quo Plinius lib. xxxvii. cap. x. Alber. Mag. & Isid. l. xvi.

*Arcadiatellus lapidem producit Abeston :*

*Ferrens huic calor est ; naturæ mira potestas ;*

*Nam semel accensus conceptos detinet ignes,*

*Extingvique nequid pellucens perpente flammâ.*

Tales & nos esse oportet. Semel accensi ab alto, minime à Dei charitate.

Emblemata selecta  
XV.  
REGIO HAVT RELIGIO



*Non mihi Religio Cordi est, sed amor regionis;  
Nimirum Regio in Religione latet.*

NON



Sacro-politica.

XV.

**N**ON difficili, nec improbabili conjecturâ perspicere licet, bella nonnunquam Religionis prætextu adornari quæ tamen eo collimant, ut Regiones prædivites per nefas occupentur. Sub palliâ fictâq; sanctitate Lupum gestant Fel sub melle latet.

*Nil minus, quam Religio eis cordi est:*

Verùm eis decantatum illud convenire certum:

*Nulla fides pietasq; viris, qui castra sequuntur.*

Templa resque Deo dicatas, vel ut Antiochus & Heliodorus, prophanant; Sacratas Deo Virgines opprimunt; humana divinaque jura contemnentes; sed tandem, ut præfati puniuntur à Deo, ac pessimâ morte intereunt; Itaque ruminandum eis illud Virgilij:

*Discite justitiam moniti, Et non temnere Divos.*

Emblemata selecta  
XVI.  
FUIMUS TROES.



*Aëra quod lustras pedibus . lustravimus unus,  
Nunc seipione fultus , vix solùm geto :*

Vana



XVI.

**V**ana est juvenus, dissoluta. Seria haut sapit,  
neccapit. Extollitur. Delirat. Cœca est. Senes-  
Autem minus æstimat, contemnit. Cum stolidi-  
tis, sapientem se reputat. Nihil non audet. Est  
inconsulta juvenus, Mollis. Effera. Corona verò  
senum, multa prudentia. Consilium, ratio, &  
prudentia in senibus est; Senes itaque honorandi.  
Vitia, ceu Syrtes, effugiunt; nihil ad omne con-  
sortium illis commodius est, quàm Resp. atq; pri-  
vatas felicissimè regere: despiciere malos impetus,  
ac vincere; qui animos nostros inconsultè diripi-  
unt: & consulere juvenuti, ac parcere; quid ipsi  
fuerint, quid tunc senserint, nondum immemores:  
digni denique, qui longâ senectute suâ Sapientiâ  
fruantur.

Emblemata selecta  
XVII.  
MUTUA RERVM METAMOR-  
PHOSIS.



*Ignis aqua vires, vice mira, aqua concipit ignes;  
Mutua naturæ semina quæque gerunt.*

Ajunt



**A** Junt Theologi: Quidquid potest facere causa  
 secunda, nobiliori & altiori modo potest cau-  
 sa prima. Hoc præsupposito, certum est, naturam  
 posse unam in aliam convertere substantiam; dicit  
 enim Aristoteles: Alimentum per naturam con-  
 vertitur in substantiam aliti. Virtute caloris galli-  
 æ Ovi substantia in Gallinam convertitur; Vide-  
 mus quoq; terram, inter cætera ignobiliorem, vir-  
 tute Solis producere aurum, argentum, uniones  
 &c. Hinc Philosophus 4. Meteor., virtute Solis  
 terræ humiditatem converti in arbores, gramina,  
 vinum, oleum, balsamum, ac similia. Isidorus in  
 Etymolog. refert esse in Scotia fontem, quid-  
 quid in eum conjicitur, mox verti in lapidem. In  
 Hybernia esse alium, si baculus injiciatur, partem  
 quæ aquam tangit, in lapidem; alteram, quæ in ter-  
 ram figitur, verti in ferrum. Alchimistæ æs atque  
 hydrargyrum in argentum purum convertunt. Si  
 ergo Natura unam in aliam potest convertere sub-  
 stantiam, à fortiori Deus naturæ Author, cujus est  
 immensa potestas, in quo cunctæ perfectiones al-  
 tiore modo, quàm in creaturis extant.

Emblemata selecta  
XVIII.  
ALLEIN MEIN.



*Impatiens consortis Amor: sic turturis instat,  
In morte ac vita Tu mihi sola places.*



## Sacro-politica.

### XVIII.

IN recensendis mortalium affectibus, præter fas ac humanitatem foret, amoris oblivisci, qui in omnium animis, nisi prorsus barbaris, regnans, tamen quosdam vehementius suis imbuunt curis, sibiq; propius addicit. Est autem blanda & irrequieta cupiditas, iis ipsis placendi, qui nobis siue sorte, siue suâ virtute, siue nostro deniq; amore placuerunt. Et is quidem, velut insidiis, ita irrepit, ut nos antequam sentiamus amare, quam instituamus de amando consilium. Neque arduum in ipsis initiis esset excutere tantum pondus, nisi sensim, neq; sine suavitate incumbens, ita eos ipsos suis lenociniis caperet, quos affligit, præsertim inexpertos, ut putent inhumanum facinus fore, sibiq; omnino incommodum, si influentis mali dulcedinem à se ausint severo imperio arcere. Hoc autem affectu, si institutio recta accesserit, nihil in mortalibus magis eximium. Consortis vero minus est patiens.

Emblemata selecta  
XIX.  
VULGARE EST CARVM.



*Quod rarum carum Falsum est; vulgare quod extat,  
Omnibusest charum; sic tibi ut Ova probant.*

Omnia



**O**Mnia chara esse, quæ rara, plerique autumant:  
Aurum Arabicum, gemmas ex Indiis allatas,  
corallia, uniones, margarithas, cæteraq; è secretis  
terræ visceribus eruta, magna; industria conqui-  
sita extollunt, eaque in prætio habent; quod rara  
sint, ea ab omnibus suspiciuntur. At vulgare qui-  
dem extat Ovum; magnæ nihilominus utilitatæ  
esse nemo negaverit. Finxere quondam Ægyptii  
Deum in ore ovum tenentem, ac per illud demon-  
strârunt, mundum ab ipso creatum; Ovare itaq;  
licet, velut olim Reges ibant Ovantes.

Emblemata selecta

XX.

FINITVM PRODVCIT INFINI-  
TUM.



*Innumeros numerus numeros numerabilis edit,  
Cantio ceu miris fert variata modis.*

Infi-



Sacro. politica.

XX.

**I**Nfinitè in infinitum Musica condignè extollitur.  
**V**ocatæ sunt Nymphæ, quod Aron apud Hora-  
tium notat illo versiculo :

*Vidi docentem, credite posteri,  
Nymphasq; discentes.*

**A** Cano Camœnæ dicuntur, ut Festus, Servius, ac  
Macrobius docent, Carmen suave dant Olympi-  
des Musæ,

*Musæ, quæ pedibus magnum pulsatis Olympum,  
Plectra gerens Errato, saltat pede carmine vultu,*

Cantus suavitate Poëtas reddunt gloriâ immor-  
tales, ac posteritatis memoriæ commendandos,  
Gloriâ & Sapientiâ animos ad cælestium contem-  
plationem, ut autumat Fulgentius, elevant. Can-  
tus suavitate ab omnibus plurimi æstimantur.  
Cantilenarum sunt Præsides. Lycurgus, ut refert  
Plutarchus, bellici exercitationi studium Musicæ  
admiscuit, quo bellandi vehementiâ, modulatione  
temperatâ, consonantiam convenientiamq; habe-  
ret, Musis, antequàm pugnas iniret, litans, quò &  
oratione, præclarâq; memoriâ digna facinora  
pugnantes ederent.

Emblemata selecta

XXI.

LA HONRA ET, ALMA DESTA  
VIDA.



*Esse suam, Et vivum Virgo retinebit honorem;  
De virginata hunc perdidit.*

Inter



## X X I.

**I**Nter omnes mulierum Status primatum Virginitas tenet; Undè D. Hieron. ad Nataliam: Tria præcipuè sunt genera metallorum: Ferrum, Argentum, aurum: Ferrum est Castitas conjugalis. Argentum vidualis. Aurum est Virginitas. Virginitas est ut Regina, Vidualitas ut Domina, Conjugalitas ut ancilla. Virginitas ut Patria, Vidualitas ut portus, Conjugalitas ut pelagus; Sicut ergò Aquila inter volucres, Lucifer inter Stellas, gemmaq; inter lapides, ita excedit matrimonium, & viduitatem Virginitas. Illa est sicut Lux Solis, viduitas sicut Lux Lunæ, matrimonium sicut Lux stellarum. Inæstimabilis Virginitas thesaurus. Nè perdas; Recuperari nequid. Non potest coronari corrupta. Ut sericum est, quòd cum in lutum cecidit, nunquam perfectè abluatur.

————— *Veneris detergè mephitim.*

Emblemata selecta  
XXII.  
SOLUS CUM SOLA.



*Et faciles flammæ præsentis strâmen ut ignem  
In re concipiet : sic juvenilis amor.*

Facili



**F**Acili negotio amoris impuri flammæ juvenilis  
 concipit ardor ; quem cavere tamen possunt ,  
 atque aliorum exemplo etiam tenentur. Judith  
 mulier vidua , cum ad recens connubium impelle-  
 retur, cilicium ornatum prætulit, objecitq; libidi-  
 ni jejunium. vigilas somno , & otio laborem , in-  
 quit Sabellicus. Anna Phanuelis filia, post sep-  
 timum connubii annum, vidua facta , ad quartum  
 usque & octogesimum castè vixit. Idem in exem-  
 plis: Esseni , populi Syriæ, vitam olim duxerunt  
 alienam ab omni mulierum commercio , Venere  
 abdicatâ, inquit Plin. lib. 5. c. 17. Penelope, Icarî  
 filia, nullis procorum blandimentis , nullis polli-  
 citationibus adduci potuit, ut, absente per viginti  
 annos marito , Ulyssæ , castitatem corrumperet;  
 Undè Prop. lib. 3.

*Hæc etiam clausas expugnant arma pudicas ,*

*Quæq; terunt fastus , Icarïote tuos.*

**Ovid.** lib. 3. Eleg.

*Penelope mansit ( quamvis custode careret )*

*Inter tam multos intemerata procos.*

Emblemata selecta

XXIII.

TALIO.



*Per quod quis peccat, per idem punitur & idem;  
Incidit insidias, quas alij peperit.*

Nemi-



Sacro-politica.

XXIII.

**N**Emini malum imprecari, aut vim inferre licet;  
in illam namq; foveam, quam aliis struxêre,  
incidunt: Thraſius ſeu Thraſillus. quem ad exoran-  
das à Jove pluvias Buſirim docuiſſet hospites im-  
molare, interfectus eſt omnium primus. Ovid.  
in Ibin.

*Vt qui poſt annos ſacri monſtrator iniqui,*

*Elicuit pluvias victima ceſus aquas.*

Perillus quoq; in tauro æneo (quem ad reos tor-  
quendos excogitaverat) à Phalaride combuſtus  
eſt. Ovid. in Ibin.

*Aere Perillao veros mittere juvencos,*

*Ad formam tauri conveniente ſono.*

Idem Lib. 4. de Arte amandi.

*Et Phalaris tauro violenti membra Perilli*

*torruit, infelix imbuit autor opus.*

Phalaris quoq; Tyrannus eodem poſtea tauro in-  
cluſus, & crematus eſt, quò alios priùs ſuffocave-  
rat. Ovid. in Ibin.

*Vtq; ſeros Phalaris, lingua priùs enſe reſectâ,*

*More bovis Paphio clauſus in ære gemas.*

Complura vide in Raviſij Theatro Hiſt. ac Poëtico.

Emblemata selecta  
XXIV.  
OMNIA FINEM HABENT.



*Omnes res numero, mensurà, aut pondere constant  
Quicquid ages, certi tramite finis agas.*



DUL

Emblemata selecta  
XXV.  
DYLCEESTDESIPEREIN LOCO.



*Tempora stultitiam, gravitatem sapè vicissim  
Deposcent; prudens desipit atque sapit.*

*Inter-*



# Sacro-politica

## XXV.

*Interpone tuis interdum gaudia curis.*

**D**Esipere in loco dulce. Nonnulli tamen sua in stultitiâ parum sapientes iudicati ac habiti sunt: Psylli populi, dum Austrum ventum plus nimio haberent invisum, ut sibi ac terræ suæ obnoxium, sumptis armis in eum hostiliter profecti sunt, ceu vivum aliquem hominem, & non rem incorpoream peterent, Herod. lib. 4. & Gell. lib. 6. p. 11. Melitides fuit stultus, ab Homero celebratus, qui everisâ jam Trojâ, venisse legitur, auxilium laturus Priamô, Lucian. apud Erasmum. Amphitides tantæ fuit stultitiæ, ut ignoraret, utro ex parente prognatus esset. Accon vetula eo laboravit delirio, ut solita sit ad speculum, sua cum imagine, perinde ac cum aliâ muliere confabulari Cælio auctore atq; Erasmo. Itaq; abluimus Æthiodem: stultum efficere volentes sapientem, &

*Parisios stolidum si quis transmittat asellum,*

*Si fuit hic asinus, non ibi fiet equus.*

Emblemata selecta  
XXVI.  
OGNIPESO HA CONTRA PESO.



*Pondere te metiere tuo , nec viribus exi ;  
Nam tibi par , vel te fortior esse potest.*

*Quam*



Sacro-politica.

XXVI.

**Q**uamvis pusillus, non contemnendus hostis.  
Sordido sub paliolo vires latent. Exiguos  
maculos nullius esse valoris, æstimat mundus.  
Minutæ sunt gemmæ: at magni æstimantur. Fru-  
mentum multiplices profert fructus; Caniculus  
pulcher diligitur magis, ac dilato ore & capite  
crasso hians canis. Pisces magni non adeo sanitati  
conducunt ac Gobii. Echeneis ingentes remorari  
naves valet. Proverbium erat Græcis: Amens  
longus. Cato inquit:

*Corporis exigui vires contemnere noli;*

*Ingenio pollet, cui vim natura negavit.*

Licinius Calvus, orator facundissimus, Aristoteles  
sublimis philosophus aliq; parvi erant: attamen  
omnium doctissimi. Gigantes famosi mortaliū  
erant pessimi. Verum quidem, natu grandiores  
non ineptos semper esse, ac parvos: neq; parvos  
meliores. Neronem suspice.

Emblemata selecta

XXVII.

QVI AMAT PERICVLVM IN  
ISTO PERIT.



*Ignis ait: Noli me tangere, quisquis anhelat  
Exitio, præceptis spontè perire solet.*

Pyrau-



**P**yrausta vermis est de specie araneorum, favis pernitiosus. Volitat ad lucernas tantisper, dum combustis pereat alis. Hinc adagium: Pyraustæ gaudere gaudium: de momentaneâ ac brevi lætitiâ; namq; momentaneum, quod delectat, ætenuum quod cruciat. Qui semel à recto desciverit, legesq; contemnere didicerit, is postea fit ad omne improbitatis genus propensus. Si quis voluntatum imperium semel æquo animo patiatur, illum postea variarum belluarum inducere formam. Neminem posse satis sibi à voluptatibus temperare, nisi divinam opem implorarit; Quare temperans putandus est Dei amicus. Opus esse eximiâ quadam sapientiâ, ubi quis in aliquam turpem cupiditatem inciderit, ut inde pedem retrahere possit.

Emblemata selecta  
XXVIII.  
MALE TINNIT.



*Mens hominis latitat quærendo prolice vocem ;  
Erumpit subitò mens simulata foras.*

Inscrui-



**I**nscrutabilis est hominis animus : at loquela  
 eum facit manifestum. Loquere, ut te videam;  
 & mendacem oportet esse memorem. Melius  
 verò est tacere, quam malè loqui. Cohibenda est  
 lingua. Pugiones erant prisca sic dolosè tecti, ut  
 nulla esset suspicio latentis ferri, atque hoc voca-  
 bant Dolones. Hoc teli genus duplici fuit discri-  
 mine; aut enim nodosus validusq; fustis pugio-  
 nis abscondebatur, aut flagellum aurigarium. Maro  
 lib. 7. Æneid. mentionem facit.

Pila manu, sævolq; gerunt in bella dolones.  
*His dolonibus dolosa lingua rectissimè confertur.*  
 Linguae dolus tam prisco te flammate jactat, ut  
 cum Orbem soli quatuor homines constituerent,  
 inter eos tamen doli faber reperiretur. Narrat  
 Poëta vetus, aurei & argentei sæculi felicitatem,  
 sed ea transacta.

*Protinus irrupit vena peioris in ævum  
 Omne nefas, fugere pudor, verumq; fidesq;  
 In quorum subière locum, fraudesq;, doliq;  
 Insidiaeq; Et vis, Et amor sceleratus habendi.*

Emblemata selecta  
XXIX.  
QUALIS CAUSA TALE EFFECTVM



*Conuenit effectum causæ sobolesq; parenti;  
Quid mala: nî malus quàm mala mala ferat?*

A na-



Sacro-politica.

XXIX.

**A** Naturà maligni ac nebulones rarissimè de-  
flectunt, in omne vitiorum genus declives.  
Æthiopem potiùs abluas; ac naturam licet furcà  
impuleris, tamen usq; recurret. Nullis legibus,  
nulla temperantur industrià, omnibus exosi, iustis  
contrarii, innocuos opprimunt. Virtutis culmen  
ne attingent quidem. At

Nobilitas hominis,	Mens & Deitas imago.
	Virtutum clara propago.
	Miserum revelare jacentem.
	Mentem frænare furentem.
	Naturæ iura tenere.
	Nisi turpia nulla timere.
	Terrenas temnere dotes.
	Cælestia carpere regna.
	Ovid. in lib. de vetulâ.

Gualterius de Castilione canit.

Nobilitas sola est animum quæ moribus ornat.  
Verum — Degenerant homines vitiis, fiuntq;  
minores. Canit Claudianus — Virtute remota  
*Migrat in exilium nobilitatis honor.*

Emblemata selecta  
XXX.  
TERROR ET ERROR PANI-  
CUS.



*Ne quem despectes, nocet & parvissimus hostis;  
Panicus & terror, sæpè vel error obest.*



**G**Alli cantus Leones terret, fugiuntq;. Timiditas ad probitatem facta, crebrò in vitia defleat; si enim in ignavos affectus omnino transierit, qualemcunq; securitatem amans, tunc inepta virtutibus, nec privatis aut publicis rebus utilis, in vitium, illudq; fœdissimum degenerat. Quos autem hæc imbecillitas fregit, scire, nisi, cum pericula instant, idcirco est arduum, quæ sibi consciî ~~carissimi~~ metûs, diligenter illius indicia tegunt, etiam adornatis ad audaciam verbis, & discrimina quodammodo laceßentes, cum utiq; illa absunt. Cæterum injurias, contumeliam, cladem, quam timere tam pati idonei, ad omnem speciem minantis fortunæ horrescere; neque hæc mala, quæ tanto perè metuunt, forti constantiq; studio, sed dejecto ac ignobili, declinare; virtutem singulorum atq; vim, ne quidem tentatam expertamve, supra suam timidè ducere, cunctosq; & odisse, & invitâ ingratq; apud se veneratione mirari.

Emblemata selecta  
XXXI.  
IMPOSSIBILE , POSSIBILE ALI.  
QUANDO.



*Optica cum radiis ad passus mille peragrat,  
Et bombarda feras e minus idā petit.*

Non



**N**on cuncta esse impossibilia patet in belluarum  
ac monstrorum domitoribus, atq; etiam in iis,  
qui alios à summis periculis liberarunt. Belleroph-  
phon, filius Glauci regis Corinthiorum, falso ac-  
cusatus Stupri, à Stenobæa Præti Archivorum regis  
uxore, expositus est Chimææ triformi, quam  
tamen domuit. Ovid. lib. 2. de Trist.

*Nam quid de tetrico referam domitore Chimæa,*

*Quem letho fallax hospita pœna dedit?*

Alcan Sagittarius Cretensis serpentem confodit  
illæso filio suo, quem Ille jam habebat in faucibus.  
Coræbus monstrum toti Peloponeso formidolo-  
sum occidit. Ovid. in Ibin.

————— *Quod dextra Cosæbi*

*Vicit, opem miseris Argolicisq; tulit.*

Difficilia itaq; factu, facilia etiam fieri posse patet.

Emblemata selecta  
XXXII.  
RERUM VICES.



*Tempore* <sup>*et*</sup> *belli*  
*sic pacis* *sperabo tempora* *Pacis*  
*Belli.*

Natu-



**N**atura providentia est, ut Corruptio unius sit generatio alterius, inquit Arist. Ipsa sui depastrix, suiq; reparatrix est. Prædatrices rerum. 4. sunt qualitates sibi contrariæ; & eadem aliarum continuo genitrices, novâ exorta re ex corrupta priorē. Ut nec pulex pereat, quin aliud inde existat. Sic omnium sunt rerum vires.

*Nunc pluit, & claro nunc jupiter Æthere fulget.*  
 Affulgente Pacis tempore, nil acceptius ac jucundius: etenim

*Nulla salus bello: Pacem te poscimus omnes:*  
 Interim dum Pax aurea nitet, de futuris forsan hostibus maturè consulendum, cavendumq; ; miles conscribendus; aliæq; ad id necessariæ provisiones faciendæ; sapientum enim est prævidere futura. Unde Ægyptii virum Sapientem cum ternis finxere capitibus, quorum uno præterita, altero præsentia: tertio deniq; provideret futura,

Emblemata selecta

XXXIII.

INJUSTE PRODITOREM, NON  
PRODITIONEM ODERIS.



*Iusto Deo sic proditor      Et autor, ad ipsum malum  
Est odio ceu proditum      Unum, ferunt stipendium.*

Tradi.



**T**Raditionem amo, odi traditorem. Qui tradunt; hos amo, qui tradidêre, illos detestor. Plurimi fuêre tales reperti, indiesq; perfidi sâmes conspiciuntur. Zopyrus Persa benignè à Baby- loniis exceptus, urbem eorum Dario prodidit. Harpagus Astyagem dominum suum prodidit Cyro Persarum regi. Jolas Alexandri pincerna Do- minum suum veneno suffocavit. Ulysses Calyp- sonympham, cujus hospitio septem annos fuerat usus, fide violata deseruit. Propert. lib. 2.

*Sic a Dulychio juvene est elusa Calypso,*

*Vidit amatorem pandere vela suum.*

Cleomenes Spartanus Argivos, induciarum fiducia confopitos, noctu invadens, alios contrucidavit, alios duxit captivos. Sic

*Nusquam tua fides, nec hospes ab hospite tutus,*

*Itaq; Fide, sed cui vide.*

Emblemata selecta  
XXXIV.  
POLITICUS.



*Sit frons aperta, lingua parca, clausa mens,  
Qui jure possit dici<sup>r</sup> Politicus.*



**P**olitici oculo similes, cuncta vident, se uno  
non. Adæ itidem, qui Doctor creatus, rebus  
omnibus nomina dare scivit, cujusq; apta naturæ,  
at sibi uni non se vel nudum esse nesciebat Tales  
hodiè multi scioli; at suorum nescii atq; salutis,  
rerumq; conscientia. Terrena sapiunt. Aquilæ,  
ac Lynces in sæcularibus multi; Talpæ in spiritua-  
libus. Aliis, non sibi sapiunt, consuluntq;; Qui  
sapiens fronte est aperta; nil in eo subdoli; complu-  
res verò extant atque extitère dolosi, velut Ulysses  
ac Syfiphus: Hom. apud Erasmi.

*Syfiphus in terris, quo non astutior alter.*

Sapiens quoq; lingua est aperta, mente clausa fer-  
da namque oris est eluvies, atq; omnia in buccam  
venientia effutire delirum: Vita verò, quæ parî  
cum verbis ambulat gradu, adproba est.

Emblemata selecta  
XXXV.  
FIDELIS INSTAR HOMINIS



*Blanditur cauda canis, & sua numina praestat,  
Hæc ferendo litteras ad hospites.*



**F**ideles existunt Canes ac solertes. Argus canis fuit Ulyssis, qui reversum ab expeditione Trojana dominum post annos viginti fertur agnovisse. Chiron canis fuit Codri Poëtæ pauperrimi. Juvenal.

————— *Et recubans sub eodem marmore C. hiron.*

Durides canis fuit Lyfimachi, qui accenso Domini rogo iniecit se flammæ, authore Plinio lib. 8. ~~Gravis~~ nomen est Catellæ, qua Arethusa absentis mariti desiderium solabatur. Propert. lib. 4.

*Gravidus, Scatula vox est mihi grata perrennis.*

Issa nomen est catellæ, quam Publius habuit in deliciis Mart.

*Issa est passerenequior catulli:*

*Issa est purior osculo columbæ;*

*Issa est blandior omnibus puellis:*

*Issa est charior Indicis lapillis?*

*Issa est delicia catella Publi.*

Lethargus Hippommanis cum mortuo etiam Domino est tumulatus. Canis Pyrrhi Epirotarum regis in Domini rogam se coniecit.

Emblemata selecta  
XXXVI,  
NATURÆ INCREMENTUM.



*Ore capit mures felis, pede captat eosdem  
Catellus, hosq; devorat.*

Natu-



Sacro-politica,

XXXVI.

**N**aturam expellas furcâ: tamen usq; recurret.  
— — — Tolle periculum.

*Jam vaga profiliet frenis natura remotis.*

Affuescere à teneris multum — — — Venaticus  
ex quo

*Tempore cervinampellem latravit in aula,*

*Militat in Sylvis catulus.*

*Quo semel est imbuta recens servabit odorem*

*Testa diu.*

Neq; facile natura expellitur; nam

— — — *Ad mores natura recurrit*

*Damnatos, fixa & mutari nescia. Itaq;*

*Nil dictu fœdum. visusq; ea limina tangat,*

*Intra qua puer est;*

Magna ergo res est proba prolis educatio, & vel  
ab ipsis cunis adhibenda;

Emblemata selecta  
XXXVII.  
AMOR BARBARUS.



*Ecquis amor Russi, qui uxorem cædit amore?  
Nec nisi, quàm plagis uxor amare cupit.*



**U**Xoribus Rufforum, ultra Poloniam longa est captivitas, quas domi seriò continent, dignas quoq; majoribus malis: adeò servilibus supra fidem ingeniis demissas esse ajunt. Virorum in se benevolentiam ex verberum numero æstimant: nunquam melius suo judicio habitæ, quàm cum in sæva ingenia inciderunt. Quidam è Germania in Moscoviam migraverat, vir è plebe, & si nomen in tantillare placet, Jordanes dicebatur. Hæsit ergo in illa regione, & cum sibi eæ sedes placerent, indè etiam duxit uxorem. Hanc cum charam haberet, omnibusq; officiis mutuam gratiam affectaret, illa dejectis luminibus mœsta, crebrò, in singultibus, & cæteris mœrentis animi indiciis erat. Viro denique sciscitanti mœstitiæ causam; Quid tu, inquit illa, tam egregiè fingis amorem? Num putas latere me, quam tibi vilis sim? Ubi sunt verbera, quibus te amare docuisti? Hoc certe potissimum pacto maritorum in uxores apud nos benevolentia & cura sancitur. Hoc audito, primùm stupor continuit risum, mox utroq; evanescente, arripuit cædendæ mulieris causam; & illa fustibus mitigata, tum primùm bonâ fide amare & colere virum cœpit. Nec tenuit ille modum; grandi enim ictu dicitur hujus etiam crura & cervicem afflixisse.

Emblemata selecta  
XXXVIII.  
FIDE SED CUI VIDE.



*Cui fidas, videas; tanta est simulatio seclì!  
Si quis ait, negat is: sin negat, ipse ait.*

Qui



**Q**uidam in omnibus rerum exordiis induunt non veram, & ideò majori specie subornatam prudentiam: veluti maturâ sapientiâ compositi, verba tardè euntia deducunt, lento vultu, & astum cum humanitate fingentia. Non quidquid splendet, est aurum: neq; id omne, quod amicitiae nomen habet, familiaritas est. Aman à fratre Absalone ad convivium invitatus, vitam deperdidit. 2. Reg. 19. *Melius est, inquit Salomon, vocari ad olera cum charitate, quam ad vitulum saginatum cum odio.* Fraudulentus est mundus, astutus, subdolanus, versutus, vafer, veterator, tortuosus, callidus. Aliud agit, aliud simulat. Fando decipit, ut canit Ovid. lib. 1. de Arte.

*Tuta frequensq; via est per amici fallere nomen,*

*Tuta frequensque licet sit via, crimen habet.*

Veritas mundo est pâlliata; vel ad alterius odium, vel conimodum suum respicit. Vulpes sunt: verum maledictus dolosus. Malach. 1. v. 14. *Moliti sunt sermones ejus super oleum, & ipsi sunt jacula.* Psal. 54. *Recreant aures, feriunt corda; Itaq;*

*Vir vide- , quid cui dic- , dum magnus hab-*

*Et vide- as, ne fortè ru- as, dum stare vid- eris.*

*Prospici- , quem despici- , dum ledere qua-*

Emblemata selecta

XXXIX.

NEC CUNCTANDO, NEC FESTI-  
NANDO NIMIS.



*Sapè malum peperit morà : festinatio sapè :  
Festina lente ; sat citò pervenies.*



Sacro-politica  
XXXIX.

**I**n arena consilium;

*Temporis in puncto qui sapit, ille sapit;*

————— *Nocuit differre paratis;*

nec enim de die in diem differendum.

*Quod facis, hoc cito fac.*

Veni, Vidi, Vici. Periculosa cunctatio; Nec tamen semper probatur; periculum enim sæpius in morâ.

*Unus homo quidem cunctando restituit rem.*

Non omni tempore consultum. Et minùs præmeditatè aggredi opus, nocivum; Quare ut Latini Proverbium est:

*Festina lentè.*

Sat citò, si sat benè.

Emblemata selecta  
X L.  
GERMANORUM FIDES.



*Quid Germana fides queras? an dextra vitrumq̃,  
Dextra fidem stabilit, constabitque merum.*

Prodi.



**P**roditores ac perfidi omnibus sunt exosi. Pto-  
lomæus Judæus, Abobi filius, Socerum suum  
Simonem Judæorum Principem, convivio excep-  
tum, cum duobus filiis interfecit, regnandi cupidi-  
tate. Zopyrus Persa benignè à Babiloniis excep-  
tus, Urbem eorum Dario prodidit. Hanibal Se-  
nior appellatus, Astrubalis filius, cum primo bello  
Punico totam Italiam vastaret, Cornelium Asinam  
Consulem, spe pacis vocatum ad colloquium, Pu-  
nicâ fraude interfecit. Non tâles extant prodito-  
res Germani: verùm fidem sibi invicem, atq; inter  
pocula quidem, addictam, sanctè servant. Fraus  
dis, perfidiæ, & scelerum ingentium expertes:  
neq; odia sub amicitiaë titulis latent, atq; omnino  
ingentia scelera verecundus populus ignorat. Apud  
hanc gentem aperti mores placent. Omnem spe-  
ciem reconditi astus odere. Germani nullâ comi-  
tate suavius, quàm longo nec sobrio convivio pe-  
regrinos excipere credunt: & tunc verissimam ab  
ipsis hospitibus benevolentiam in se expromi, ubi  
mutuis poculis inundare non abnuunt. id summa  
urbanitas, & coëuntibus primâ amicitiaë animis,  
incederis locum. Pretiosum est amicitiaë pignus,  
quod bibendo cum Germanis sancitur.

Embleinata selecta  
LXI.  
VANÆ SINE VIRIBUS IRÆ.



*Quid juvet iratos, & quid juvet esse minaces!  
Contra hostis vim nil ira minaq; valent.*




Sacro-politica.

XLI.

*Vana est sine viribus ira.*

**A**D iracundiam atq; indignationem nonnullis maximè proclivis est animus, nec facilè post primos impetus mitigant. Ob muscæ aut pulicis unius morsum adeò iræ exæstuant, ut mundum in-versuri videantur. *Virum stultum*, ait Job. c. 5. *interficit iracundia, ac Zelus & iracundia minuunt dies*, inquit Eccl 30. Itaq; moderandum iræ. Prisci in Symbolum iræ moderatæ pingebant quercum, ramis oliva intercurrentibus; quod animus iræ durus sit lenitate temperandus. Pier. lib. 51. Hiero-glyphic. Quercus, ait, eâ in signis asperitate quæ omnibus conspicua est, non immeritò fertur usq; adeò inimica esse oleæ, ut eam juxta se positam extingvat: Olea verò cum sit pacis, mansuetudinis ac lenitatis indicium, excogitatum est Quercum oleâ complicare, cum iracundiam atque inexorabilem animi asperitatem sese ad lenitatem dedisse significandum fuerit. Certè, Arist. ait, Heròis esse, tarde irasci, & iræ citò oblivisci.

Emblemata selecta  
XLII.  
ARMIS ET LEGIBUS.



*Arma juvant Leges:  
Leges arma juvant.*



*In toto mundo Lex, Ars, Mars cuncta gubernant:*

**N**Unquam pulchrius, quàm à Sapien-  
tibus Resp. gubernantur. Illos, cum Optimates vocant  
in publicæ felicitatis partem, seipfos quidem pri-  
mum, quasi illius genij participes, commendant,  
tum Reip. nervos addunt; Lex est hominum Regi-  
na. Belluarum est, quæ sibi invicem ratione per-  
suadere nequeunt, armis, ad hominum rationem  
disceptare; cum honorificentissimum telum sit  
innocentia & æquitas. Qui semel à recto descivit,  
legesque contemnere didicit, is postea fit ad omne  
improbæ generis propensus. Bello verò bar-  
baræ ac gentes efferæ atq; effrænes sunt domitæ, &  
domantur, atq; ad vitam rectè instituendam, ad-  
ministrandamq; justitiam, bello devictæ, institu-  
untur; edoctæ id, quod canit Virg. lib. Æneid.

*Discite justiciam moniti, Et non temere Deos.*

Emblemata selecta  
XLIII.  
MISERUM ALIUNDE SAPERE.



*Qui solis oculis alienis cernit, & audit  
Auribus, atq; animo consulit, is miser est.*



*Vae tibi, Terra, cujus Rex puer est.*

**O**ptare bonos ac sapientes Principes, pietas est. Diverſæ ad Regum purpuram viæ, non unam omnibus mentem injiciunt: ſeq; longè aliis conſiliis regere ſolent, qui novas habenas in rudem adhuc imperii populum moliuntur, quàm qui jam aſſuefactis gentibus, tuto ac per ipſarum vota regnant. Rurſus alius ſenſus eſt hominis, ſceptrum per ſuffragia adepti, alius paternas atque avitas opes tenentis, cum hæreditate imperandi. Artibus parta malis regna, Reges aut amittunt, aut ſecum everſa obruunt. Rex ſe hominem meminerit. Triumphantibus Romæ ſervus à tergo inclamabat: Memento hominem te eſſe; Sin, regnorum everſio, Regum eſt crudelitas, adeoque beſtialitas. Miſer adhæc Regis eſt ſtatus ac conditio, alieno ſemper nutu atq; arbitrio regentis.

Emblemata selecta  
XLIV.  
ARS IMITATUR NATURAM.



*Sufflatis caligis mediis incedit in undis,  
Interrapedibus qui modo fecit iter.*



**C**uncta stupenda ac præcellentia in Orbe natura produxit: aurum, argentum, uniones, margaritas, &c. rerum omnium species admiranda, quibus contemplandis humanus non satiatur animus; rara simul ac portentosa naturæ opera conspiciuntur: Naturam ars imitatur: per immensos vela pandit Oceanos, tutaq; transvehitur: Artificia naturæ simillima elaborat; exquisitissima prætiosissimaq; fuerunt diversorum opera: Phydæ, Praxitilis, Apellis, Protogenis &c. Naturam pene excedentia; Ars perficit naturam.

Emblemata selecta  
XLV.  
CONSUEITUDO EST ALTERA NA-  
TURA.



*Qui manibus mancus, natura scribere nescit,  
En pedibus lepidum scribere discit opus.*

Admi



Sacro-politica.

XLV.

**A**Dmirandum est naturæ artificium, atq; ingenii  
humani vis ac potentia. Multi adeò felici  
ad scientiarum aliquam ingenio nati sunt, ut eis  
Ars supperat, quod natura negavit. Nulla eis  
prudentiæ atq; industriæ signa desunt. Consue-  
tudo altera est natura. Vidimus manibus caren-  
tes fila texere, literas pedibus exarare. Singulis  
mortalibus proprium aliquid natura concessit:  
prorsusq; ingenti miraculo, per tot sæcula & no-  
mina populorum, admirabilem quandam virtutis  
indidit lucem, quâ alere se atq; enutrire suos va-  
leant. Licet verò, tanquam eminentes in con-  
denses sylvis arbores, præcipua ingeniorum & af-  
fectuum genera intueri, quibus homines agi solent,  
ac propemodum componi, simulq; à cæteris in-  
signi discrimine separari.

ET

Emblemata selecta  
XLVI.  
ET HÆC DEFECTUM SUPPLET.



Quin quod ludentem. lapides talosq; moventem  
Vidisses pedibus, qua manibus caruit?




Sacro-politica.

XLVI.

**N**on superflua erit cogitatio recensendi diversissimas hominum classes, in quibus se unusquisque inveniet, & qualis esse possit, ex imagine deprehendet; juvat affectus, impetusq; mortalium, bonis suis stipatos. Faciles eorum industrias admiramur, & qui meliori eruditione imbuuntur. Rerum omnium scientiarumq; primas species, etsi à naturâ sibi negatas, facillimè ac penè non cogitantes admittunt: Ingens quidem argumentum esse crediderim, impetu & veluti fortunâ tantam rerum copiam ab iis conquiri. Et maximam habent speciem cultæ indolis, & per omnes scientias adornatæ, debita sapientiæ bona occupant,

Emblemata selecta  
XLVII.  
ARS SUPERAT NATURAM.



*Materiem natura rudem producit, at arte  
Corpus Vulcanus Spirituale parit.*

Natu.



Sacro-politica.

XLVII.

**N**aturam Ars quandoque excedit; cernere id sciet in eductis de subiectâ materiâ nobilissimis atque excellentissimis rerum speciebus ac subtilitatibus, à natura haud productis, verùm ab ingenio humano, arte atque industriâ extractis; imò & quinta, Arte Alchymistica, produci solet essentia; Specta Myropolia Ungventariorum & Pharmacopolarum; Plumariorum textrinas, atque officinas Phrigionum, ac admirandas rerum præcellentissimarum species exhibebunt contemplandas, arte effectas; magni splendoris ac pretii, longè naturam excedentes; sicque Artem superare naturam patet,

Emblemata selecta  
XLVIII.  
ANTIQUITAS CHIMIA.



*Errat, qui nuper putat adventasse spagiram,  
Corporis in humano prisca Chymia latet.*



**R**erum naturalium scriptores antiquissimam tradunt esse Alchymiam, quæ naturam æris, hydrargyri, metallorum in argentum excoctum mutare potest, diversarum specierum extractus, olea, spiritus, quintasque efficit essentias, succus ex diversi generis rebus elicit. Nos affirmamus nihil id novi esse: Verum à tempore, quo primus hominum creatus est parens, jam tum viguisse; Latuit enim in ventriculo humano, unam in aliam, vi caloris naturalis, convertente substantiam; non itaque habent, undè se Chymici extollant:

Emblemata selecta  
XLVIX.  
ARS MATERIAM SUPERAT.



*Ex cinere illustre est vitrum, vi flantis & ignis,  
Corpora quid nū olim splendida nostra forent?*

Typus



**T**ypus Resurrectionis & imago quædam in rebus etiam naturalibus reperitur. v.g. in semine moriente, & postea repullulante, ac quasi resurgente; Unde Augustinus: Tota hujus mundi administratio, testimonium est Resurrectionis futuræ: Videmus hyemis tempore arbores spoliari pomis, & foliis, sed & verno speciem resurrectionis exprimere, quæ quidem incipiunt primò surgere in gemmis, ornari floribus, vestiri foliis, postmodum pomis gravari; Interrogo te, ô infidelis homo, quid de Resurrectione dubitas, ubi sunt ista, quæ tempore isto, quo Deus disposuit, producuntur? Dic mihi, ubi latitant, antequam producantur? Quæ nusquam quidem videntur: sed tamen Deus, qui omnipotens est, secretâ suâ virtute producit. Sic & herba, quæ antè vixit, & moritur, rursus reviviscit ex semine; ita & nostrum corpus reviviscet ex pulvere. Hæc Augustinus.

Inter Resurrectionis symbola, etiam pulchrum est Symbolum Hydrargyri, sive argenti viri; si enim in minutissimas arenulas: & quasi atomos manu diducas, ita ut in pulvisculos evanescere videantur, mox ut eos rursus manu associas & conungis, in pristinam formam confluendo redeunt, & quasi reviviscunt.

Emblemata selecta  
L.  
NON AMOR OMNIA VINCIT



*Omnia vincit amor: sed tandem somnus amorem;  
Fortius imperium somnus amore gerit.*



## Sacro-politica

### L.

**O**Mnia vincit amor. In recensendis mortalium affectibus, præter fas esset amoris oblivisci, qui quosdam vehementer suis imbuunt curis, sibi que propius addicit. Est autem blanda & irrequieta cupiditas. Et is quidem, velut insidiis, ita irrepit, ut nos antè sentiamus amare, quam instituamus de amando consilium. Pertinax amoris est affectus. Licet verò fortis existat, vinci tamen potest; à somno quoque; Si Endimionis somnus dormiatur. Somnus profundior adimit omnem sensum atque animum. Arcum dormiens somnum, ignorat amorem.

Emblemata selecta  
LI.  
VERBO ET SIGNIS EFFICAX DEUS.



*Corda ferit verbo patulas resonante per aures,  
Perque oculos signis pectora fida movet.*



Sacro-politica.

L I.

**D**EI verbum sacro in elogio multis ac diversis rebus comparatur: Malleo conterenti petras. Igni consumenti. Lucernæ, lumini, ac luci, in vim Domini pedes nostros dirigent. Pani, ciboq; spiritali, de quo vivit homo. Emplastro salutari, cuncta sananti. Auro, margaritæ, unioni &c. S. Jacobus admonens homines, ut ex verbo Dei fructum percipiant, & secundum illud operarentur, admirabili quadam similitudine explicuit, quod ex eo, quia illud audientes non servarent, proveniebat, quod illud opere non exequerentur, dicens: Estote factores verbi; quia si quis auditor est verbi, & non factor, hic comparabitur viro consideranti vultum nativitatis suæ in speculo &c. Ubi notandum est illud: Fallentes vosmetipsos; decipit namq; homo se ipsum; cum solummodò contentus est verbum Dei audire. Posuit quoq; similitudinem viri; quia qui sunt viri, & non foemineis moribus assuefacti, si faciem in speculo conspiciant, est tam celeriter, & (ut ajunt per transennam) ut statim obliviscantur imaginis suæ illic perspectæ.

Emblemata selecta  
L II.  
SINE TUO NOMINE NIHIL.



*Vt vigilent homines, de nocte dieque laborant;  
Nisi Deus aspirat, nil labor omnis erit.*



**A**bsque Dei benedictione frustra jacitur rete,  
 frustra laboramus. Complures diu noctuq;  
 ut victum sibi atq; alimenta comparent, variis affli-  
 guntur curis, & sollicitudinibus premuntur, toti in  
 labores incumbunt, currunt, sudant, cunctas cor-  
 poris animæq; vires indefesso labore admovent:  
 verum nil eis inde emolumenti provenit; Eccur?  
 In Dei nomine non incipiunt, nec in ejus verbo  
 laxatur rete. Benedictio Domini divites facit,  
 non labor solus atque industria. Quicquid agitur  
 extra Christum, nihil est. Cum laboribus nostris  
 omnibus, citra Dei gratiam factis, frustra labora-  
 mus; *Sine me nihil potestis facere.* Jon XV. *Nisi Domi-  
 nus edificaverit domum &c.* In cunctis negotiis nostris,  
 in Dei nomine laxandum est rete, alias nil effici-  
 mus.

Emblemata selecta  
LIII.  
MIHI VINDICTA.



**V**indicta competit mihi,  
Qua par resarciam tibi.

Mibi



**M**ibi vindicta, & ego retribuam, inquit Dominus, Deut. 32. Solent canes se mutuò mordere, & allatrare; Sic multi in proximos insurgunt, verbis mordent, dentem infigunt contumeliis, allatrant & in absentes detractionibus, & cum personam nequeunt, ejus famam lædunt & honorem. Multi Christianorum sese rodunt, dilacerant, devorant, odii que ac invidiæ veneno se pascunt interius, aut potius depascuntur. Horatius quoque:

*Invidus alterius rebus marcessit opimis*

Cain videns Abelis fratris sui fortunas; feliciori semper incremento quàm suas augeri, eundem interemit. Gen. 4. Christiane, nequaquam feritatem pones? In vindicantes vindicat Deus. In fratres Joseph, miserè ab ignoto fratre tribulatos. Gen. 44. In Jezabilem præcipitatam, & à canibus dilcerptam. I. Reg. 21.

At è contra injuriarum remissores Deus remuneravit. Injuriarum non minima est prædestinationis nota.

Emblemata selecta  
LIV.  
NEC HAC NEC ILLAC.



*Læx immota Dei est, non hæc, nec flectitur illac,  
Addere cui quicquam, aut demere, grande nefas.*

Ad



**A**D verbum meum nihil addes, nec de eo quicquam demes; alias disperdet te Deus. Nihil autem est 1. Propter pronuntiationem Prophetiam, in articulis fidei Christianæ, quod non fuerit prius à SS. Prophetis divino spiritu pronuntiatum. 2. Propter Scriptorum Sanctimoniam, qui non sunt mentiti; Nam, qui considerat, quantæ sanctitatis fuerit Moyses, de quo dicitur Eccl. 46. *Dilectus Deo & hominibus Moyses.* Et Propheta ait Pl. 102. *Notas fecit vias suas Mosy.* Et ipse Deus inquit de Moyse: *Ore ad os laquor ei. Palam. non per figuras & enigmata videt Deum.* Num. 12. Præterea, quis dicere posset Esaiam, Hieremiam, Danielelem, Ezechiam, cæterosque Prophetas fuisse mentitos, de quibus ait Augustinus: *Dico illorum hominum non tantum linguam, sed & vitam fuisse Propheticam.* Quis Joannem Baptistam, in utero matris sanctificatum, credet mendacia protulisse? Quo quidem Joanne non surrexit major inter natos mulierum, quique tantæ fuit sanctitatis, ut Messias esse putaretur. Quis hoc credet de Petro, Paulo, Joanne Evangelistâ, cæterisque Apostolis, de quibus Augustinus ser. 2. de Epiph. *Apostoli, velut alii Cæli, narraverunt nobis gloriam Dei?* 3. Propter martyriorum tolerantiam. 4. Propter Ecclesiæ stabilitatem, firmitatem, & permanentiam.

Emblemata selecta  
L V.  
NON CASU, CASUS.



*Fortuitum in mundo nihil est; Deus omne gubernat,  
Et quod fortuità vi cecidisse putas.*

Nihil



Sacro-politica.

L V.

**N**ihil prorsus in Orbe fit (peccato solùm excluso) sine Dei voluntate, Fortunæ seu ridentis, seu sævientis imperium nullum est. Hæc idololatrarum somnia sunt, qui humanæ vitæ vicissitudines, à nescio quâ Deâ, dispensari fingeant. Augustinus irridens: *Quomodo ergò, inquit, dea Fortuna aliquandò bona est, aliquandò mala? an forte? quandò mala est, dea non est, sed in malignum dæmonem convertitur.* Aug. l. 4. de Civ. cap. 18. Christiana sapientia fortunam omnem exhibet. Bona & mala, vita & mors, paupertas & honestas à Deo sunt; Quandoquidem itaque Dei nutu imperioque fit, quicquid fit in orbe, par est, ut omnia de manu Dei acceptemus, sanctissimæ illius Voluntati nostram per omnia, & in omnibus ita conformantes, ut nihil incertis eventibus, nihil casui, nihil fortunæ adscribamus: hæc veterum monstra sunt, inter Christianos minimè toleranda. Vera, sapiens & sancta est Philosophia illa: Dominus fecit hæc omnia. Nam, quod monuimus: Bona & mala à Deo sunt.

Emblemata selecta  
L VI.  
MORIENDVM ANTEQVAM RE-  
VIVISCAS.



*Quid dubitas, olim quòd corpora nostra resurgent?  
Defuncto ex grano florida vita redit.*



**P**hilosophis quidem ignota fuit Resurrectio; Paulum enim irridebant in Areopago multi, Act. 17. cū audissent resurrectionem mortuorum. Difficile illis erat intelligere, quomodo idem corpus, post tot transmutationes resurgat, & eidem animæ uniatur. Sed, si divinam omnipotentiam consideremus, nihil est difficile illi, qui ex nihilo corpus & animam potest creare, quod & docet Augustinus Enchir. c. 38. Unde hæc facilitas describitur Ezech. 37. Ubi constituitur Propheta in campo pleno ossibus mortuorum, & vox ait ad ipsum: *Fili hominis, putasne vivent ossa ista? Et dixi: Domine Deus, tu nō sili.* Et iussus est Propheta clamare: *Ossa arida audite verbum Domini: Ecce, ego intromittam spiritum in vos, & vivetis, &c.* Hinc etiam Daniel de hac Resurrectione loquens, dicit Dan. 12. *De his, qui dormiunt in pulvere, evigilabunt alii in vitam æternam, alii in opprobrium.* In qua scriptura significatur, tam Deo facilem esse resurrectionem, quàm sit dormientis suscitatio.

Emblemata selecta  
LVII.  
RENASCENDVM EST AD VITAM



Qui cupis in vitam calorum pergere, prisci  
Linque hominis, nec non indue schema novi.



**P**ER gloriosam Resurrectionem suam Christus nos instruxit: 1. Ut sicut ipse à mortuis resurrexit, ita & nos à morte peccati resurgere debere. Recordare, quomodo corpus Christi à peccatoribus in acerbissimâ ejus passione deformatum, accedente Resurrectionis momento, reformatum sit ita, ut nivem candore, ac splendore Solem superârit. Paulò antè non erat ei species, neque decor, & in puncto Resurrectionis suavissimâ pulchritudine, & purissimâ luce præditum apparuit. Ad hunc modum mediteris resurrectionem animæ, quæ in peccato mortua erat, ac per gratiam reviviscit; in puncto enim illo, ex imagine diaboli horrendâ, transit ad similitudinem Dei, ex tenebris infernalibus ad serenissimam lucem, ex deformitate turpissimâ, ad pulchritudinem, quæ lapides moliret. 2. Ut sicut Christus post Resurrectionem in novitate vitæ ambulavit, ita & nos, ut ultrâ non serviamus peccato, Rom. 6. Serpentis instar veterem exuentes pellem,

Emblemata selecta  
LVIII.  
HOMO NATURALIS NESCIT EA  
QUÆ SUNT SPIRITUS.



*Solis ad aspectum si acies mortalis hebescit,  
Enthea scrutari mens tua caca nequit.*



## Sacro-politica.

### LVIII.

**I**Næstimabile damnum sibi acquirunt, qui Deum per peccati consensum & affectum deserunt. Ex hac Dei derelictione emergens damnum est Cæcitas, quo ad cognitionem rerum cælestium; Quemadmodum enim Sole absente, nullam rerum formam distinguimus, sed omnia obscuritatis velamine obteguntur, ut dignosci nequeant, rerumque excellentiæ ponderari haud possunt; Sic etiam absente justitiæ Sole Christo, adeoque fidei lumine, in tenebris errorum versamur, ut cognoscere res divinas omninò non valeamus; Unde veluti febricitantibus non sapit cibus; quia palatum infectum habent; Ita neque nobis, sic derelictis, manifestum evadit, quam dulcia sint eloquia Dei.

Per fœdam ergo peccati ruinam, quâ â Dei gratia excidimus, usque ad eò cæcutimus, ut nigrum album, & bonum dicamus malum. *Ambulabunt ut caci*, inquit Propheta Sophonias, cap. i. *quia Domino peccaverunt, & David: Nescierunt, neque intellexerunt, in tenebris ambulant.* Psal. 81. Esaias quoque cap. 59 *Palpavimus sicut caci parietem, impegimus meridie, quasi in tenebris.*

Emblemata selecta

LIX.

NON OMNE PURGATORIUM  
FICTUM.



*In quale ante oculos ; cū sava podagra dolores  
Elicit & plangētus ignibus usā suis.*

Fel-



**F**elleæ bilis filia, ipso timenda nomine, atrox tyrannis Podagra! membris fraga Erynnis. Ossium commissiones ut subintrās, Tyrannidis regiam. Ossa decurtas corpore integro, & manus privando manibus, pedibus pedes, resumptis viribus redivivos, morte enecas quotidianā. Quanta calamitas! Plumarum in equuleo non extendis, sed contorques miseros, ut gemitum extorqueas; aqueas compedes injicis pedibus, manibus, nunquam suæ restituendas libertati. Semel hospes, semper hostis; Sævitiæ notas corpori inscribis tales, ut catalogo mortuorum ascribas vel vivos. Crudeliter adeo ludis cum homine, ut moreatur ante mortem, & membris mortuis suum præcedat funus; Ignis non es; nam extingvi non potes: accendis tamen flammās; Nix non es; nam liquefieri non potes: congelas tamen in calcem aquas. Patibula erigis, ô quot! Certè subalaribus patibulis affixi sunt podagrici. Quæris, quid sit podagricus? Est viva spirans fornax calcaria. Si patienter feratur, loco erit Purgatorii. *Hic ure, hic seca, modò in aeternum parcas.*

Emblemata selecta

LX.

ANGVSTVM SED AVGVSTVM  
CONSCIENTIÆ TRIBUNAL.



*Arguit en culpe, Cor idem argutam probat, atque  
Iudicat & damnat, plectit & exequitur.*

Con-



## Sacro-politica

### LX.

#### *Conscientia mille testes.*

**M**axima pœna suum gestare in pectore tessem. Potius Ursis, Leonibus, Lupis, aliisque ferocissimis cohabitandum foret bestiis, quam furem adeo atque insanientem gestare in corde vermem. Caino hunc in vita vermem sentienti totus non sufficiebat Orbis, in tantas fuerat conscientiaë augustias redactus; Judas Iscarioth, ideo desperabundus, laqueo vitam finivit. Pravae mentis gravamen est atque animi perturbatio sive anxietas. Indicat id Salomon Sap. 17. *Semper timet se va perturbata conscientia.* Testes sunt primi Parentes, qui in voluptatis existentes Paradyso, quamdiu in innocentia prima perstitere, & gratia ornati, magnâ cordis quiete frui sunt; At quamprimum divinæ Majestatis præceptum violarunt, gravata est eorum conscientia, tantusque timor cor eorum invasit, ut à facie Domini abscondere se tentarent; Conscientia illos pressit. Ipsa comparatur justo iudici perpetuæ Accusatrici, expertissimo Medico, truculento Carnifici. Luculentum anxietatis conscientiaë testimonium habetur in supradicto Cain Filiis Jacob, Herode; atque innumeris aliis. Pravae conscientiaë gravamen ingens est animi tristitia. De salutis æternæ consecutione desperatio.

Emblemata selecta  
LXI.  
BONUM MALVMQVE  
OTPAHO AEN.



*Quidat, Deus est, Deus est, qui pauperat idem  
Seu bona, seu mala sint; fecit in urbe Deus.*

Regius



Sacro- politica.

LX I.

**R**Egius propheta de Deo loquens, inquit Ps. *ir-  
Gloria & divitiæ in domo ejus*, cælesti, ac terrenâ.  
Ab ipso omnia. Paupertas & honestas à Deo sunt.  
Deducit ad inferos, & reducit. Ditat & pauperat.  
Humana itaque voluntas divinæ in omnibus con-  
formanda; Hæc cælum est extra cælum, ac vera  
vitæ beatitudo. *Beatus es, & benè tibi erit.* Ps. 127.  
quisquis hanc propriæ voluntatis cum divinâ con-  
formationem perfectè attigeris, omniaque velut  
de manu Dei cupidè amplexatus fueris, hæc tua  
in hoc Orbe inferiore beatitudo erit; fruêris pe-  
renni quodam gaudio, & lætitia non multis notâ;  
hac enim felicitate fruuntur homines intimâ fa-  
miliaritate Deo conjuncti: *Beatus es, & benè tibi erit.*  
Uti autem in cælo nulla est vicissitudo, nullum  
(sic loquar) heri aut hodie, sed continuus quidam  
sibi que semper simillimus æternæ voluptatis af-  
fluxus, isque invariabilis, & nunquam non simul-  
totus; Ita & ii, qui hanc suæ & divinæ volun-  
tatis unionem adepti sunt, jam penè immutabiles,  
quicquid ærumnosæ vicissitudinis intercurrit, ra-  
tionis imperio premunt; Omnis eorum gustus &  
oblectatio est Dei beneplacitum. Quietem illo-  
rum, si sortè quid incurrat, nihil est certè quod  
evertat. Patet in Jobo. Qui confidunt in Do-  
mino sicut mons Sion, non commovebitur in-  
æternum

Emblemata selecta  
LXII.  
IN VIIS TVIS AMBVLA.



*Ne tenta Dominum, concessis utere causis,  
Audacem infelix sequitur exitium.*



# Sacro-politica.

## LXII.

**I**mpavidæ ad pericula mentes , sui quæ plus nimium securæ , crebrò in exitium trahuntur. Impetu insignes sunt , ad flagitia licet divertentes. Temeritate feruntur illi homines in vitii partes. Hunc affectum , cum non satis sibi cavet , sui fiducia corrumpit , cuncta despiciens , superbiam quoque malis infectus est , in iactationem proclivis. Arrogantia omnis à Deo tandem deprimitur , ejusque concitat iram præsumptio. Ejusmodi deliri sunt in obvia se vitæ discrimina præcipitantes.

*Medio tutissimus ibis.*

Qui amat periculum , in illo peribit. Fortunæ nimium confisi , pereunt tandem. Dionisius junior Syracusis ( ubi tyrannidem exercuerat ) pulsus , exulavit Corinthi , ibique Ludimagistrum egit , teste Cic. Polycrates Samiorum tyrannus , post multos ridentis fortunæ Zephyros , ab Orcete , Cyri præfecto , superatus , & suspendio est affectus. Quos evehit fortuna dejicit :

————— *Vnde superbus*

*Tarquinius regno pulsus fuit.*

Marius , septies Consul , qui de Jugurtha triumphârat , Cimbros & Teutones subegerat &c.

————— *In ceno jacuit , camæq. palustri,*  
*Pertulit & tanto multa pudenda viro.*

Ovid , lib. IV. de Ponto

Emblemata selecta  
LXIII.  
NEC APEX PERIBIT.



Et terra, & Coeli, vel in his quaecunque peribunt,  
Vox tua in aeternum, Iehova, manet.

Scorinus

Ves



**V**erbum Domini manet in æternum, uti & Ecclesia ejus, ceu firma petra, æternum durat:

*Fluctuat: ast nunquam mergitur illa ratis.*

Nec portæ inferi prævalebunt adversus eam; Innumeras quidem passa est persecutiones, non solum hæreticorum plurimorum, qui eam conati sunt diversimodè destruere, sed maximè passa est tribulationes, persecutiones à Tyrannis, Infidelibus, Regibus, & Imperatoribus, non uno solum, vel duobus, sed plurimis, & per universum orbem, ut à Nerone, Domitiano, Trajano, Antonio, Severo, Galieno, Juliano, Decio, Valeriano, Diocletiano, Maximiano, Maxentio, & aliis multis, & tamen nunquam potuit prosterni, licet persecutiones non solum habuerit in temporalibus, sed & in spiritualibus. In hanc, si salvus esse velis, tibi intrandum, & in eâ, usque ad vitæ finem, perseverandum.

Emblemata selecta  
LXIV.  
AMOR CHRITI.



*Qualis amor Christi in nos, te Gallina docebit,  
Qua generat pullos, educat atque docet.*

Gallina



**G**allina pullos suos nutrit, amat, fovet, protegit. Ita Christus Gallinæ se comparat; *Quoties volui congregare filios tuos, quemadmodum Gallina congregat pullos suos sub alis?* Diligis, Domine, ait Sapiens, Sap. xi. omnia, quæ sunt, & nihil odisti eorum, quæ fecisti; *Omnis enim Artifex diligit opus suum.* 9. Ethic. Amor verò Salvatoris cunctos mundi excedit amores:

I. Amorem naturalem, qui est inter patrem, matrem, & filium; nulla enim mater filium in tantum dilexit, quantum ipse Dominus nos amavit. Et ideo inquit Esaias c. 49. *Nunquid oblivisci potest mater infantuli sui, ut non miseriatur filio uteri sui? & si illa oblita fuerit, ego non obliviscar tui.* Ecce, in manibus meis descripsi te: Illa autem scriptura non fuit facta calamo, aut atramento artificiali, nec in chartâ animalis mortui; sed calami fuere clavi, atramentum sanguis ejus pretiosus, scriptores perfidi judæi ac milites, charta verò delicata ipsius caro in Cruce extensa, literæ fuerunt cicatrices.

II. Amorem Matrimoniale; si enim uxor fornicatur á viro, repudiata ulterius, ut communiter, non recipitur: verum si hominis anima Christum sponsum deserit, ac diabolo adultero consentit, eam tamen Christus pœnitentem recipit.

III. Amorem Sociale, qui est inter amicos; nullus enim homo pro inimico mori vellet: vix autem, qui pro amico bono: Hæc tamen perfecta est Charitas: nos autem non eramus justi, sed impii; Et tamen Christus pro nobis mori voluit.

Emblemata selecta  
LXV.  
AMARE LICET SI POTIRI NON  
LICET.



*Cassus amor nihil est; quid enim sine fomite flamma?  
Frustrà est, invitâ si quis amat venere.*

Amor



Sacro-politica.

LXV.

**A**mor à naturâ homini est insitus. Ad hunc affectum si institutio recta accesserit, nihil in mortalibus magis eximium. Malè nihilominus severi homines amorem averfantur, eumque fœdâ & enervi imagine sibi fingunt: quo nihil in humanis rebus sincerius, modò in justis limitibus, & à virtute factis, ardens, non etiam suo incendio, quæ vetantur, corripiat. Neque in adolescentibus tantum, aut maturæ ætatis hominibus blanda illa cupiditas concitatur; sed & pueros in innoxiiis sollicitat annis, ut intelligas hunc ignem dignis pectoribus pene non tam accedere, quàm innasci. Nec existimes, in dispari tantum sexu hunc affectum convenire; Nam & Alcibiadem Socrates amavit, nec Lycurgus in turpem instituit disciplinam, ne quis juvenum suo amatore vacaret. Hic amor quidam benevolentiae nexus est, quem amicitiam appellaveris; itaque **AMA.**

Emblemata selecta  
LXVI.  
VERITATIS PRÆMIUM



*Qui veritatem prædicat,  
Tandem misellus vapulat.*



Sacro-politica.

LXVI.

**O**bssequium amicos, veritas odium parit. Animalia complura Leo suum in spelæum vocârat; appropinquante Lupo, petiit Leo, quonam pacto sibi regia sua probaretur? nimium quantum fœtere, Lupus infit; hac veritate objectâ discerptus est Lupus miser: vulpes verò cum se catharro laborare diceret, salva evasit; Sic etiamnum plures

——— *Astutam servant sub pectore vulpem.*

Et jam veritas exulat aulis: regnat palpatio. Audax ibi, qui loqui veritatem audet. Amos, 7. c. Idololatriam Jeroboæ Regi exprobrans, à summo Pontifice ejicitur aulâ & regno. Ut Balthasaro Regi Babiloniorum veritas annuntiaretur; non ausus est Deusei virum mittere, sed manum hominis scribentis contra candelabrum in superficie parietis aulæ regię. Dan. 5. 4. Nathan Propheta Davidi nuntiassè veritatem jussus à Deo, antè altè petit exordium, quàm ad rem descendat: & parabola de ove pauperis casa à divite ob luxum convivij, eum circumvenit; Lataque ab Rege sententia, edixit demum: 2. Reg. 12. *Tues ille vir* Sc. Adeò plena est periculi functio aulicæ potentiæ veritatem insinuare; Quocircà benè Lucanus:

——— *Exeat aula,*

*Qui cupit esse pius; nam*

——— *Virtus, & summa potestas*

*Non coeunt.*

Emblemata selecta  
LXVII.  
AUT LAPIS AUT GLACIES.



Hart als ein Stein ist/der nicht jung liebet in Ehren/  
Frostiger als Eyß ist/der keine Wärme fähbet.



**D**EI mandatum est, ut nos proximumque diligamus. Amor duplex est: Amicitiae, quo amamus alterum, propter se ipsum: Concupiscentiae, quo amamus alium, propter emolumentum ex ipso. Ille huic praestat: Utroque summe diligendus est Deus:

I. Concupiscibili; 1. Quia Proverb. 3. *Omnia, quae desiderantur, huic non valent comparari.* 2. Hinc Moysi ait, Exod. 33. *Ostendam tibi omne bonum.* 3. Exclamat S. Anselmus: *Cur ergo per multa vagaris, o homuncio, quærens bona animæ & corporis? Ama unum bonum, quod est omne bonum, & satis est.*

II. Amore amicitiae amandus Deus est, quia Deus est. 1. Ps. 68. *Quid est mihi in Cælo, & à te quid volui super terram, Deus cordis mei, & pars mea Deus in æternum?* 2. Non vult amore profano diligi Deus: sed amore, qui sit omnia super. 3. Hinc D. Thom. in Opusc. de Amore Dei, ait: *Dei proprium est, ut sit centrum totius amoris; est enim summum bonum; cui proinde debetur omnis amor.*

Amandus verò est proximus, propter Deum.

Emblemata selecta  
LXVIII.  
COMITATUR MÆROR AMOREM.



*Post Venerem triste est animal, sed regula paucis  
Surgitur exemplis, quod tibi schema refert.*

Mæror



**M**æror amorē comitatur. Nimis, quā-  
certum; itaque cave sis omnes pudicitiae ho-  
stes, praesertim temperandum oculis, ne in foemi-  
nas, potissimum si comptulae sint, curiosius defi-  
gantur; imò, ut etiam tui ipsius minus decentem  
aspectum declines; Sic ægris noxios cibos, ne qui-  
dem videri sinimus, ne concupiscant. Libri quo-  
que turpes abjiciendi. Sunt homines (propè ca-  
nes dixerim) ut quas obicantitates ipsi admilerint,  
non pudeat, quasi foedum vomitum projicere in  
miseras chartas, undè alii legendo reſorbeant; per-  
indè ac si forent parum in cesti, nisi alios suis for-  
dibus incestarent. Ita proponitur & propinatur  
tartareum fel sub melle, & in auro Babilonica me-  
retriciſ, miscetur praesens venenum. O calamos  
Syrenes! ô Lenones libellos! Venio ad imagines  
foedas, spectacula eò periculosiora, quò fixiùs  
diuturniusque spectari possunt. Hic est scopulus  
multorum foedo naufragio infamis; nam didicere,  
quod spectarunt. Quas habes ejusmodi imagi-  
nes, perde ne te perdant. Tandem familiarita-  
tem cum mulieribus fuge. Hic sunt syrtes, hic  
scillae, hic charybdis, hic blanda exitia Syrenum,  
hic quicquid uspiam est castis moribus formidan-  
dum.

Emblemata selecta

LXIX.

SCIENTIA SINE PRUDENTIA  
NIHIL.



*Quid rem scire juvat, nisi scis, quo tempore agenda  
Prudenter, quo sit res quoque tuta loco?*

Qu



**Q**ui supra pueros sapiunt, postea infra decus virilis prudentiæ delirant. Equis certè, juvenisq̃ue, in primorum annorum libertate in curiosos impetus effundere concedimus, ne tunc primum robur enascens timeat ad vincula accedere. A deò cæcæ mentes, quod in cæteris animalibus videmus, in nostris pignoribus aut negligimus, aut nescimus. Neque tamen in infinita libertate prima hæc ætas dimittenda est. Sit illis mediocris terror supplicii, summa parentum reverentia, & semper, quantum sibi liceat, ignorent; Nam si procax est alicujus pueritia nimiaque ferocia exuberat, tunc facessant lenitatis ista præcepta, tumorq̃ue, naturæ vitio enascens, quem sæpe parentem lenitas ad ulceris maturitatem fovet, adhuc crudus ac facilis exsecetur. Hoc modo lepida pueritia suæ & parentum voluptati relinquetur, &, postquam expleverit stultitiam innoxiarum cupiditatum, ipsa ætas paulatim studia mutabit, radicesq̃ue virtutum adolescent, quas ipsi jam non impetu, sed judicio amabunt. Tunc afferent ad adolescentiam, & ad crepusculum prudentiæ, mentem liberam placidamq̃ue, quæ ad illius lucis pulchritudinem vi suæ institutionis obversa sit.

Emblemata selecta

LXX.

VIS CONSILII EXPERS MOLE RUIT  
S U A.



*Fortiter ut quid agas, nisi agas prudenter, idemque  
Pondere in exitium precipitatur onus.*

Cun



Unctis in rebus consilium, & ratio, & prudentia adhibenda sunt. Minus præmeditatè nil agendum, nî pænitere mavis;

*Quicquid agis prudenter agas, & respice finem.*

Serò capiunt Phryges. Post factum pænitet actum. Seneca in Lib. de 4. virtutibus, ait: Tria sunt ad prudentiam pertinentia: præterita recogitare, præsentia ordinare, & futura prævidere; ideò de imprudentibus dicitur Deut. 32. *Gens absque consilio est, & sine prudentia. Utinam saperent, scilicet præterita, & intelligerent, scilicet præsentia, & novissima providerent.* Tempus præteritum recolendum, à Deo illud nobis fuisse concessum, ac propriè nostrum, certum & indultum: præsens autem ac futurum, est omnimodè incertum nobis; dubium, & insolius Dei potestate situm. Præsens quod attinet, cum id adhuc divina bonitatis nobis concesserit, pœnitentiæ ac emendationi vitæ, bonisq; operibus tribuendum est. Futurum attendendum, per firmum in cæpto bono perseverandi propositum. Quid prodest Vineam magno labore plantasse, si antè vindemiam vites. jam uvis refertas, excidas & evellas. Sic planè nihil proderit nobis, quamvis multa præclarissima præcedentibus temporibus operati fuerimus, si antè finem desistamus.

Emblemata selecta

LXXI.

NATURA DEPROPERAT EDERE  
NOVAS FORMAS.



*Miranda natura vice femina masculus extat,  
Et quae sponsa fuit, jam tibi sponsus erit.*

Omnium



Sacro-politica.

LXXI.

**O**Mnium rerum sunt vices. Inversus est mundi  
ordo:

*Esse equus optat bos piger, optat arare caballus.*

Virgo virum, vir faminam agere pervellet. Ed  
currus bovem trahere perspicitur, Alter in alterius  
officium irrumperere, adeoque nemo suâ sorte con-  
tentus esse. Qui subest, præesse vult, atque impe-  
rare; idque totum ex vana animi elatione prove-  
nit, quæ tamen dejicitur deprimiturque; etenim.

*Sapius ventis agitatur ingens*

*Pinus, & celsæ graviores casu*

*Decidunt turres, feriuntq; summos*

*Fulmina montes.*

Sed: *Beatus ille, qui procul negotiis,*

*Paterna rura bobus exercet suis.*

Humilitas exaltat. Quantum origo fontium de-  
primitur, tantum ascendunt ipsi. Te jactas cum,  
qui non est; & superbis. Ridetur meritò Epicu-  
rus, quod se sapientem diceret, & hoc ipso esset in-  
sapiens. Humilitas beat. Quocumque amplectimur  
arctius, hoc plura in nos bona confert.

Emblemata selecta

LXXII.

SUAS QUISQUE PARTES RECTE  
ET RITE AGERE STUDEAT.



*Maturè sapiens trutinat, citò perficit, at post  
Actus, Concilium concipit insipiens.*

Re.



**R**egum sapientissimus prævidens plerosq; mortalium, longa sibi inaniter infuturum sæcula polliceri, singulos hortatur à vanis hujusmodi conceptibus abstinere, nec solum non in plura annorum lustra sed nec in crastinum diem durationem conjicere, inquit Prov. 27. *Ne glorieris in crastinum, ignorans, quid superventura pariat dies; q. d. Ne glorieris de futuris, dicendo: Cras genio indulgebo, deliciis me tradam, agros emam, plantabo vineam, de hoste meo me vindicabo, aut aliam vitæ rationem institutam; nescis enim an crastinâ die super victurus sis. Verè Horatius:*

*Quis scit, an adjiciant hodierna crastina summe*

*Tempora dii superi?*

Quàm multi illâ ipsâ horâ ac momento, quo vel maximè se vivere, ac deliciis vacare arbitrabantur, extincti sunt?

Emblemata Selecta  
LXXIII  
NON OMNIUM RATIO CONSTAT.



*Multa negat Ratio: at verâ Experientia monstrat;  
Si hominem causa, re sibi teste, latent.*



**N**oscitur, non omnium rerum constare ratio-  
 nem, sed experientiam; Undè enim provenit,  
 quòd, cùm tria sint lucidissima, Oleum, Argentum,  
 & Ignis, ac nihil habeant in se nigredinis, dant ta-  
 men aliis, quæ non habent; nam Oleum lucidum  
 nigras maculas infundit. Argentum candidum li-  
 neas nigras tingit. & Ignis fulgidus ligna ac pa-  
 leas nigra facit? Quid est, quod paleæ tantæ sint  
 caliditatis, quod poma cruda maurant, & tantæ  
 frigiditatis, quòd nives mediâ in æstate conser-  
 vant, ne fluant; cùm tamen calidum & frigus sint  
 contraria, & duo contraria in eodem subiecto esse  
 non possint? Calx, in quo ignis latet, & cùm natu-  
 raliter aqua ignem extinguat oleumque ig-  
 nem nutriet: tamen si quis aquam in calcem  
 infundat, mox ignis latens urere incipit, &  
 si oleum affundatur, mox ignem illum ex-  
 tinguit? Adamas ferro non frangitur, ac nullo  
 consumitur igne, & hircino tamen sanguine mol-  
 lesceat. Sapiens ait: *Cunctæ res difficiles, non potest  
 homo eas explicare sermone,* Quid, quòd fulmen ali-  
 quando manum hominis ferit, & tamen chyrothe-  
 cam, in quâ manus erat, non lædit? Argentum in  
 marsupio liquefacit, & marsupium ipsum non urit?  
 aliquandò vas percutit & confringit, & tamen vi-  
 num, quod naturæ liquidæ est, per tres dies, vase  
 fracto, non fluit? Reddant rationem de his mini-  
 mis, qui divina requirunt.

Emblemata selecta  
LXXIV.  
VIRTUTE AN DOLO.



*En vapor igni vomus rupes clam rumpit & arces,  
Millia quas equitum vincere non poterant.*

*Sapientia*



**S**apientia dolusq; ac stratagemata Ducum sapius hostem, quam armatorum impetus everunt; Ob hoc variæ illorum fuerunt quondam coronæ, Gemmatæ, Auræ, Vallares, Murales, Rostales, Civicæ, Triumphales. Summam rerum præclare gestarum mercedem Romani existimârunt, si suos Imperatores, Duces, Equites, Antesignanos, cæterosq; milites strenuos, (pro suo quemque tamen merito, dignitate, gradu, commissaque provinciâ) certis coronis honestarent. Triumphalis, laureis, ramis, baccisque circumtexta, invictis triumphatoribus offerebatur, Quibus, ut hostium victoribus & domitoribus, totâ Urbe Româ magnificis curribus & rhedis circumvectis, triumphum agere Senatus ipsius decreto faserat. Prius tamen edocto senatu de quinquies mille hostibus uno prælio cæsis. Tribuno militum, Equitæ, qui hostium obsidionem strenuè sustinuisent, ab iis, qui liberati servatique fuerant, dabatur Corona obsidialis, sive graminea, omnium honoratissima, illustrissimaque. Querceis alii foliis ac fastigiis textâ coronâ donabantur. Muralis dabatur corona ex auro conflagata illi, qui primus vi atque armis hostium mœnia transcendisset. Alii aliis decorabantur; nec inquirebatur, an virtute aut dolo evasisent victores.

Emblemata selecta  
LXXV.  
LABORE ET FAME.



*Quos vis insanos domât haut privata parentum,  
Hos labor emendat publicus atque fames.*



**I**Nobedientibus ac protervis isthæc merces tribuitur. In has eos angustias nonnunquam Gula redigit, inobedientia, pravaque societas, otium, lusus, vitiaque complura. Quare ad rectam filiorum institutionem Parentes tenentur; & nemo ignorat, quanti ad Reip salutem, si probè curetur, & ad ejusdem perniciem intersit, si negligatur. Quemadmodum Dei jussu liberi parentibus honorem, amorem, obsequium, atque obedientiam in omnibus, quæ rationi sunt consentanea, debent; ita & ejusdem summa voluntas est, ut parentes Liberis amorem præsent, illos alant, bonisque moribus instituunt. Ecclesiasticus ait c. 7. *Filli tibi sunt erudi illos, & curva illos à pueritiâ illorum.* Vides hinc quàm seriò Deus parentibus Liberorum curam imperet? Sit ergò prima ea parentibus cura, liberis non aurum non peritura fortunæ bonâ cumulare, sed virtute & sapientiâ exornare. Liberos qui distare potius studet, quam probos mores docere, similis est illi, qui neglecto pedecalceos curat, ait Plutarchus de Liberorum educatione. Novellam & teneram adhuc arborem facilè est aut curvam in altum surrigere, aut in quamcunq; libet partem inflectere, cujus deinde annis roboratæ vitium mutare nemo potest.

Emblemata Telecta  
LXXVI.  
INVENTIS NON FACILE EST  
ADDERE.



*Alata inventa est mola, corpore mobilis olim;  
Corpore jam immota est, mobilis at capite.*

*Qui*



*Qui non affuescit virtuti, dum juvenescit,*

*A vitiiis nescit desistere, quando senescit.*

**A** Tramenti guttæ, quæ candidam vestem aliam quam faciunt, si statim lavantur, facile delentur : quod si eas senescere sinimus, vix tolli possunt. Plantæ, si in eo loco, in quo natæ sunt, relinquuntur, at nullum, aut certè amarum afferunt fructum ; & ideo transponi debent, & hoc maturè ; quia si duriores fiunt, difficilè alibi radices agere poterunt, & si agant tenuissimæ erunt, & exiguæ virtutis, ita ut possint à quocunque vento avelli ; Ita etiam si puer in pravâ illâ inclinatione, in qua natus est, relinquatur, quos afferet fructus, amari erunt ; ideò antequam durior disciplinæ & institutioni fiat, transponi debet, ut optimas in virtute radices agat, neque facile tentationum ventis possit avelli. Malorum filii malâ depravatâ disciplinâ, rebus omnibus inutiles sunt, præterquam quod diabolo tradantur in escam, & sæpè permittit iusto iudicio Deus, ut qui virtute non educati, cum jam grandiores sunt, parentibus parere recusent, neque canitiem eorum venerentur, quos neque Deum ipsum venerari docuere.

Embl.

LXXVII.

ΑΠΡΟΣΩΠΟΛΗΠΤΩΣ.]



*Nec rubor, aut pallor cohibet me dicere verum  
Vel diviti, vel pauperi.*

Cor



**C**ORRUIT Veritas in plateâ. Inundavit mendacium. Illa est exosa Dynastis. Orem deplorandam! Potentes rerum adeò fastidire verum. Verè Comicus: *Obsequium amicos, Veritas odium parit.* Unanimis est impiorum concordia ad pietatem & veritatem impugnandam. Omnia vitia contra unam virtutem conspirant, omnia falsa unam veritatem impugnant. Verùm scriptura, Libri vera annunciant, nemini parcunt, revelant iram Dei de cœlo super omnem malignitatem hominum. Nihil ad gratiam proferunt. Non externas hominum qualitates, divitias, potentiam, formam, nobilitatem, sexum, atque id genus alia respiciunt, arguunt peccantes, Veritatem docent. Aliud nihil, quàm quod suggestit Veritas, Orbi detegunt.

Emblemata selecta

LXXVIII.

INVIDUS ALTERIUS REBUS  
MARCESSIT OPIMIS.



*Nec quicquam invidies oberit, cui fata favendo  
Profunt: quod Dii dant, nemo vetare potest.*

ANA.



A Nacharxis Philosophus causam plerique doloris hominum rogatus edicere, ait: Invidia est quæ plus de alterius prosperitate ac virtute plerique dolent, quàm de vitiis. Isid. Nulla est virtus, quæ non habeat contrarium invidiæ malum. Sicut os, ait Stobæus, qui in sole ambulant umbra sequitur, ita incedentis per gloriam comes est invidia. Ideò Themistocles Dux Athen. teste Plutarcho, juvenis dictitabat: Novi gesta mea necdum amare mereri; quod ea nondum invidia comitatur. Ut rectè quidam invidiam appellarit fortunarum antagonistam. Similis draconi, Apocalyp. 2. qui caudâ suâ stellas trahebat; Ita virtutes inimicarutilantes nititur obfuscare Invidia. O quot la Mægera tragœdias civit! Angelos concivit ad rebellionem. Cain. Gen. 4. armat in fratrem. fratres Gen. 37. in Josephum, Esau in Jacobum Gen. 25. Saulem in David, 2. Reg. 14. Deniq; Sacerdot. 2. *Invidia diaboli mors intravit in orbem.* O viperam, genitricis ventrem dirumpens, ut vivere non incipiat, nisi per mortem parentis! O rubigo edax domicilii sui! O arcana, vertis in venenum, quod contingis! Tria sunt, quæ altissima quæque inferant:

*Summa petit livor, perflant altissima venti;  
Summa petunt dextræ fulmina missa Iovis:  
— Nec magnas patiens exurgere laudes  
Invidia.*

Emblemata selecta  
LXXIX.  
TANDEM PATIENTIA VICTRIX.



*Non labente boves lingvâ, sed calce resistunt:  
Frustrâ etiam imbellis bella repellit homo.*



**N**E Hercules quidem contrà duos. Sæpe quidem in variis regionibus everfi sunt Reges; quibus expulsi, & per veræ libertatis imperitiem, devotis, successit aut cæcæ popularitatis imperium, aut permissa proceribus potentia, id est, multiplex, pro unico quod expulerant, regnum. Ac ut membra quæ violentia de naturali sede dimovit, non nisi per violentiam in articulos suos redeunt, ita provinciæ, quæ hoc modo ab optimo gubernationis genere diverterant, prius errorem multis claudibus expiarunt, quàm antiquæ, & à se projectæ reëctitudini redderentur. Subeundum itaque jugum est, si excuti nequit. Ferendum patienter. Sustine ac patere, ne patiaris. Patientia colligit rosas. Excrementicià hirundinum fæce excæcatus Thobias, sinistrum illum casum tulit constantissimè. Quum Cambyfes Rex Persarum, filium Præxaspis (à quo monitus fuerat vitandæ ebrietatis) sagittâ confodisset, pater dolorem suppressit, atq; etiam regem laudavit, ut sagittariæ artis peritum. Cato nullis unquam casibus est mutatus, nulli succubuit calamitati. Itaque magnanimus esto.

Emblemata selecta  
LXXX.  
ALIENUM CONSILIUM



*Quid jactas vires animi? quid acumen'adoras?  
Nemo sibi satis est; Rex eget ipsus ope.*

Nemo



*Plere consiliis, quia factum poenitet actum.*

**N**emo ingenio suo fidat, aut industria. Propriis in causis Talpæ sumus : in alienis Argi. Dubiis in rebus Sapientum exquire consilium. Corona senum multa prudentia. At sincerum ii consilium dare debent. i. Apocal. i. Visus Princeps sedere in throno, & viginti quatuor seniores, albis, vestiti, circum; ita sunt candidi consultores; candor enim symbolum est puritatis. Sint quoque taciti; hinc prisca fanum Consilii habuere subterraneum; quod celanda sint consilia : & in eo candidam aquilam cum crista gallinacea diversicolore; quod quamvis pugnacissimis, Regibus consulere ad pacem debeant. Hen. Farn. l. i. de sim. Reip. Lacones, nacti victoriam stratagemate, sine sanguine multo, bovem Marti : at multo cum sanguine partam, Gallinaceum offerebant. Ergo Consiliarius imitetur Deum, dicatque cum eo, Jerem. 29. *Ego cogito cogitationes pacis, & non afflictionis.* Ælianus prodit, Persis in more fuisse, ut consulere volentem. Reip. sisterent in laminâ aureâ, Hanc ferebat præmium, si Reip. salutare ipsius consilium accidisset : Sin infelix; virgis plateatim cædebatur. Consiliariorum ergo tarda & firma sint consilia. Valeat apud ipsos Delphicum istud : *Festina lente.*



Emblemata selecta  
LXXXI.  
TALIS FORTUNA.



*Quam fragile est fortuna bonum? sic molle repente  
Frangitur ut vitrum! Prô mala fida Dea!*



Sacro-politica.

LXXXI.

**F**ortuna vitrea est; cū splendet, frangitur. Per multi ex prospera fortuna ad humilem miseramq; redacti sunt. Dionysius junior Syracusis (ubi tyrannidem exercuerat) pulsus, exulavit Corinthi, ibiq; Ludimagistrum egit, teste Cic. Poly-crates Samiorum tyrannus, post multos ridentis fortunæ Zephyros, ab Orcete, Cyri Præfecto, superatus, & suspendio affectus. Xerxes, qui Ægyptum subegerat, à Themistocle victus, ab Arthabano est interfectus. Mithridates rex Ponti, qui annos quinquaginta Romanos variis cladibus affecerat, Asiam occupaverat, Quintum Oppium Proconsulem, & Aquilegum Legatum in vincula conjecerat, à Lucullo primum, deinde à Pompejo superatus, mortem sibi intulit. Tarquinius Superbus regno pulsus est. Horat. lib. 1. Serm.

————— *Inde superbus*

*Tarquinius regno pulsus fuit.*

Senior verò Marius, qui septies Consul fuerat, de jugurthe triumpharat, Cimbros & Theutones subegerat, Apulejum & Glauciam seditiones interemerat, victus à Sylla aliquamdiu delituit in Minturnensium paludibus. Ovid. lib. 4. de Pont:

*Ille Iugurthino clarus Cimbrogq; triumpho,  
Quo victrix toties consule Roma fuit;  
In cano Marius jacuit, cannaq; palustri,  
Pertulit Et tanto multa pudenda viro.*

Emblemata selecta  
LXXXII.  
TALIS AMOR.



*Heu! quàm vanus amor? Cui nunquam fidere tutum,  
Fit cito cæcus amor, vanus abitque citò.*



**A**mor est pulchritudinis desiderium. Plotinus triplicem constituit pulchritudinem: quæ nihil aliud est, quam gratia ex plurium concinnitate coorta; atque eo vel ex animo, ex virtutibus parata; & venustas nominatur: vel in corpore ex lineis, & coloribus simul maxima congruitate coalescentibus; & decus est postremo sonorum jucunditas pulchritudinem reddet vel maximam. Hæc pulchritudo tres habet sensus illi subservientes, interioris mentis oculum, corporis visum, & aurem accomodam sonis percipiendis, tactui vero nullus relinquatur locus; Valeant igitur libidinis incendia, fugetur procul intempestiva titillatio. Obscænus namque amor hominem in alium mutat; ac sæpè evenit ut brutescat. Æstus venereus Euphrati similis est, rapidissimo & vorticoso flumini. Ne-fas est. Ignis est. Tali ab igne procul! Parva scintilla magnum causat incendium. Isti sunt pauci ex numeris, Luxuriæ effectus, Momentaneum, Æternum.

Emblemata selecta  
LXXXIII.  
RARUM INGENII ET JUDICII  
CONNUBIUM.



*judicio ingenioque valet rarior unus Eadem;  
Ingenio sua vis: Enthea judicio est.*



PRæstans est ingerenda Rep. prærogativa, posse magnis & virilibus ingeniis, quæ rei familiaris angustia aut aliæ difficultates premunt, propitiâ manum dare, & veluti adesse Naturæ implorati. Quod ut illi facere est decorum, ita nec impunè possunt omittere, scilicet vel tacitâ indignatione bonorum castigari, vel assiduâ exprobrantis virtutis imagine apud se hanc culpam luentes; cum enim hoc ipso attolli meruerint, quod aut sint, aut credantur; primæ illius & prudentis industriæ viri; quid morantur suam sortem agnoscere, & ingenij similitudine junctos cognata charitate complecti? Nec ignorant, qui ii sint, aut undè petendi. Benè consultum genesi humano, tanta præstantium animorum messis esset, ut, distributis inter illos rerum-publ. negotiis, superessent adhuc vacui aliquot superfluo & inutili munere à Numine Orbi donati. Multò parcius cum felicitate hominum actum, rarumq; in omni ætate ac populo fuit altum ingenij acumen, purum, aptumque omni vitæ cuicumq; incubuerit, excultum disciplinis, exertâ fortique verecundia natum omnia nec quid nimis audere. Illas mentes cum Optimates vocant in publicæ felicitatis partem, se ipsos quidem primum, quasi illius genij participes, commendant, tum Reip. nervos addunt, nunquam pulchrius, quàm à Sapientibus gubernatæ.

Emblemata selecta  
LXXXIV.  
INCULPATA TUTELA.



*Et iusta causâ, paribus quoq; cominus armis.  
Vim vi licet repellere.*

Duel.



Sacro-politica.

LXXXIV.

*Vim vi repellere licet:*

**D**Uella perduellium detestabilia sunt. Quid? Istane vera nobilitas, repetere cum sanguine vindictam? Hæc verò barbara est feritas. Si homicidia vel pariant, vel tueantur nobilitatem, jam quintum Decalogi præcipiet iniquitatem; quod prohibet duella & vindictam. O perversum nefas! Vera nobilitas virtutem agnoscit parentem, & colit: non impietatem. Ovidius in lib. de vetula canit:

*Nobilitas hominis mentem frenare furentem.*

Et: — — — — — *Virtute remotâ,*

*migrat in exilium nobilitatis honor.*

Vindicta hæc, & victoria est, Iræ vicisse suam. Et

*Fortior est, qui se quàm qui fortissima vincit,*

*Mœnia.*

Ambrosius, Chrysostomus, homil. de David? admirabiliorem ajunt fuisse Davidem ignoscendo Sauli, quàm vincendo Goliath; Quare, Magistratus, ferro in duellorum victores animadvertite: in victos & victores excommunicationis fulmina torquete Præsules: Pastores cæsa cadavera cœmiteriis arcete. Jerem. 22. *Sepeliantur sepulturâ asini putrefacti, & projecti extrâ portas Jerusalem; Nam Psal 138.*  
*Viri sanguinem declinate à me.*

Emblemata selecta  
LXXXV.  
AVARITIÆ MALA.



Claudianus ita de avaro canit.

*Plenus sævitia, lucrig, cupidine fervens;  
Non Tarteſiacis illum ſatiaret arenis.  
Tempeſtas pretioſa Tagi, non ſtagna rubentis.  
Aure apadoli, totumq, exhauſerit Hermum,  
Ardebit majore ſuis.*

Ava-



**A**varitia est infelix malorum radix. Dux res,  
 quæ maximè impellunt ad maleficium; Luxu-  
 ries, & Avaritia sunt, ait Cic. lib. 2. ad Heren.  
 Val. Max. 1. 3. Avaritia neque habendo fruitur  
 felix; & cupiditate habendi miserrima est. S. Chry-  
 sost. in Matth. Avaritia est insatiabilis ebrietas, in-  
 justitiæ fomes: Avarus communis omnium hostis.  
 Hier. Avaritia est bursa Principum, cellarium la-  
 tronum, rixa parentum, sibilus hominum. 1. Tim.  
 8. *Est radix malorum omnium.* S. Basilus Hom. 17. in  
 Ditescentes: Mare terminos habet: nox leges non  
 transgreditur: solus avarus nullum circumscribit  
 tempus, terminum nescit: sed ignem imitando,  
 omnia comprehendit, ac depascitur Mich. 6. *Ad-  
 huc ignis in domo impii, thesauri iniquitatis; Quæ ista?  
 Mensura minor; iræ plena.*

Emblem ata selecta

LXXXVI.

Scaurus habet villas, urbana palatia nummos  
Prædiaque innumeris prædia bobus arat.



*Fabricat ex uno fraudando stello nummum,  
Centena: heu tanti lucra nefanda mali;  
Huic tamen assidue major sue crescit habendi,  
Nunquam divitiis exsatiata famas.*



Sacro-politica.

LXXXVI.

**A**ugustinus in Epist. Avaritiam inferno comparat: Infernus enim quantos mortuos devorat, nunquam dicit: Satis est sic, etsi omnes thesauri confluxerint in avarum, nunquam satiabitur. Stroza pater avaritiæ notam cuidam imponit Scauro ubi ait: Isai. 57. *Cor impii quasi mare fervens, quod quiescere non potest*, Inprimis Avari; Nam Christom. hom. 36. in Matth. Ut sine fluctibus mare nunquam; Sic animi avarorum nunquam absque turbatione. Et antequam priora componant, alia invaserunt. Hugo de S. Viç. l. de clauistro animæ. Superbia clausit diabolo cœlum. Gula Adæ paradisum. Avaritia divitiaperuit infernum. Secundum istud 1. Tim. 6. *Qui volunt divites fieri, incidunt in tentationem, & in laqueum diaboli, desideria multa, & inutilia, & nociva, quæ mergunt hominem in interitum, & perditionem.*

*Scaurus habet villas, urbana palatia, nummos,*

*Pingviaque innumeris prædia bobus arat:*

*Hic tamen assidue major succrescit habendi*

*Nunquam divitiis exsatiata fames.*

Emblemata selecta  
LXXXVII.  
AMICUM DESSIDIUM.



*Et canis & felis concordia rara : sed ambo  
Sape solent rixas dissimulare suas.*



Sacr-politica  
LXXXVII.

**D**uo contraria se mutuo expellunt. Canis & Felis raro concordēs. Amicitia ficta ac simulata est. Fel sub melle latet. Fide sed cui vide. Loquuntur pacem cum proximo : mala autem incordibus eorum. Ejusmodi erat Judæ proditoris. Talis adhuc indies multorum est. Ptolemæus Judæus, Abobi filius, Socerum suum Simonem, Judæorum principem, convivio exceptum cum duobus filiis interfecit, regnandi cupiditate. Zopyrus Persa benignè à Babiloniis exceptus, Urbem eorum Dario prodidit.

*Proditor alterius, non tibi fidus erit.*

Helena Deiphobum Trojanum, cui post mortem Paridis nupserat, dormientem Græcis prodidit, foribus ejus apertis, autore Virg. Appollonius Samsios, quibus erat præfectus, Philippo dedit occidendos. Boleslaus tertius Rex Bohemorum Moschonem Regem Poloniæ simulatione colloquii exoculavit. Grimoaldus Pipini Filius, Dagobertum, Sigisberti secundi filium, fidei suæ post mortem patris commissum, interfecit, ut Austrasiæ regnum, cui præerat pupillus, sibi vendicaret. Non itaq; omne, quod splendet, est aurum, nec, quod amicitiae nomen habet, semper est amicitia.

Emblemata selecta  
LXXXVIII.  
LUXURIANS AUDACIA.



Moris erat saltare solo: sed videris ecce  
iam saltare solo, per glaciem Batavos

[Magn



Sacro-politica

LXXXVIII.

**M**agna mortalium audacia est ac temeritas.  
Poëtæ Phaëtonis arguunt temeritatem, quod  
patris currum acceperit regendum, quum tamen  
non esset idoneus auriga. Ovid. lib. i. Trist.

*Vitaret calum Phaëton, si viveret, & quos  
optavit flultè, tangere nollet equos.*

Gigantes ausi sunt jovem armis laceffere, & in eum  
scopulos jaculari, ut volunt Mytologorum fabulæ.  
Autor Æthnæ.

*Tentavère ( nefas ) olim detrudere mûndo  
Sydera, captiviq; levis transferre Gigantes.  
Imperium, & victo leges imponere mundo.*

Icarus confictis à patre Dædalo pennis suprà mû-  
dum intumescens, ausus est mediocrem parentis  
volatum deserere, & in sublimen iti, donec lique-  
factis à Sole pennis, præceps deciderit in mare,  
Ovid. lib. i. Trist.

*Dum petit infirmis nimium sublimia pennis  
Icarus, Icarus nomina fecit aquas.*

Emblemata selecta  
LXXXIX.  
L. HUOMO PERSA,  
ID LIO DISPENSA.



*Vana est imaginatio;  
Scopum Jehova dirigit.*

Homo



**H**omo proponit, Deus disponit. Resistit Deus  
 præsidentibus in robore, & per parvum quid.  
 Nemroth robustus Gigas, ut diluvium fortè aliud  
 evitaret, turrim moliri cæpit vastissimam: at Deus  
 obstitit, quò minus perficeret: Homo, quanta mo-  
 liris subindè? Sed, quia non ex, vel cum Deo,  
 idèò retardat ea Deus. De cujus vi Psalm. 243.  
*Tange montes, & fumigabunt.* Sublime elude cona-  
 tus, & in fenum abibunt. En Goliatham 1 Reg.  
 17. à vertice ad calcem obarmatum, terroriq; cun-  
 ctis; à lapide sternitur non magno: à morbo Gigas  
 & Rex. In exercitu Antiochi, 2. Machab. 6. in-  
 gens erat Elephas, & is ab uno Eleazare suffossus  
 corruit. Elephantinos viros casus quàm levis  
 perdit? Adamas fertur non nisi perægrè diffringi  
 posse! ast ut unum fragmen absciliit, continuo in  
 pulverem redigitur; Ita homo, etsi colosseus, &  
 chalybeus; morbo tamen mortique cedit, inq;  
 pulverem collabascit.

Emblemata selecta  
LXXX.  
LIBERTAS INÆSTIMABILIS.



Wormit kanstu schätzen Freyheit?  
Dann unerträglich Dienſtbarkeit.



Sacro-politica.

LXXXX.

**L**ibertas pretiosior auro ; etenim  
*Alterius non sit , qui suus esse potest.*

In cavea non canit Luscinia. *Quomodo cantabimus canticum Domini in terra aliena ? Super flumina Babylo- nis, illic sedimus, & flevimus, dum recordaremur tui, Sion.* Intolerabilis est servitus misera. Onus est gravissi- mum. Onera verò vitæ sunt varia : De hoc Eccle- siast. 40. *Occupatio magna creata est omnibus hominibus, & iugum grave super filios Adam, à die exitus de ventre, usq; in diem sepulturæ.* Oneris hujus pars est corrupti- bilis humana. Prælatorum austeritas. Homi- num malitia. Mundi vanitas. Ipsa hominis vitæ quâ haud aliud onerosius. Onus quoq; consci- entia est, nempè peccatum. Ab onere vitæ avo- cari tantò beneficium majus est, quantò gravius. Nec mirandum, inquit S. Hieron. Epist. ad ami- cum ægrotum, tom. 9. quod sic mortalium vita pô- puletur in mundo ; in quo nemo nascitur ridens. Malorum primitias in primis lachrymis gustamus. *Primam vocem, ait Salomon. Sap. 7. similem omni- bus emisi plorans, & similis est exitus.* O angustum & anxium tempus vitæ, ubi cum initio nominatur & finis ! Itaq; hinc avocari gratia est. Sæculum, ait ibidem S. Hieron. pelago comparatur ; in quo rara sunt prospera, solus exitus securitatis est portus.

Emblemata selecta  
LXXXI.  
UTRUM PLUS PUBLICE EXPEDIAT.



*Somnia portentatim, & vana sophismata multi,  
Quels mola rem populi promovet una magis.*

Qu i



**Q**ui Sophisticè loquitur, odibilis est, & in omni re defraudabitur, ajunt Philosophi. Ejusmodi extitère complures, ac parum Reip. adjumenti attulère: Verum artificia, longo temporis decursu comprobata plùs incrementi atq; utilitatis intulerunt. Abietarii, sive fabri lignarii, Acupictores, sive Phrygiones, qui aurum & colores vestibus intertexunt. Actuarii, sive ab Actis Notarii, qui veloci stylo acta actionesq; describunt. Acupedarii optimi cursores. Alutarii, sutore coriacij. Amphoratii, pincernæ. Apiarii, Arcarii, arcarum fabri. Architecti. Arcularij, Aucupes. Aviarij, Aurifices. Aurigæ, curruum & vehiculorum ductores. Balneatores. Bractearii. Calceolarii. Calones, militum servi. Carnarii. Carnicoctores. Carpentarii. Cavpones. Cellarii. Cæmentarii. Ceroplastæ. Chirurgi, medici vulnerarii. Fænifecæ. Fullones. Furnarii. Hamiotæ. Heleiarij. Herbarij. Institores. Lactarii. Lanarii. Laniones. Lectarii. Librarii. Lintearii. Lixæ. Medicamentarii. Molendinarij. Myropolæ. Navitæ. Odorarii. Oeconomi. Onopolitæ. Piscarii, alijq; diversarum artium cultores, usibus humanis apprimè necessarij. Apage Sophista.

Emblemata selecta  
LXXXII.  
VIUR POUR MOURIR,  
ET  
MOURIR POUR VIURE



*Ut moriat, vive, morieturq; , ut postmodò vivam;  
Nam cinere exusto mox redivivus ero.*

Mors



**M**ors sequitur vitam indubitata. Omnes morimur , & quasi aquæ dilabimur in terram, quæ non revertuntur. Ut sidera in Oriente orta, post mille cursus ac recursus , demum in Occidente occidunt omnia ; ita uno progressi ortu , occumbimus pari occasu : sed non eventu pari. Simonides Philosophus, Plut. teste in Consolat. ad Apollon. poscenti ab se Pausana , Rege Lacedæmoniorum, sibi è Philosophia mnimosynon promeret , è quo melior evadere posset , agebat : Hominem te , & mortalem memineris. Noverat is Regis fastum, atq; animos ; & nullum efficacius illo antidotum. Solon Athen. ad elatos Græcorum spiritus retundendos, templi Delphici valvis inscripsit : nosce te ipsum, quis, undè, quò tendas ; Nam vivendo morieris ; moriendoq; vives ; Credimus namq; , quod sicut Israëlita simul & Pharaonita , Exod. 14. sunt Ægypto egressi : verum ad mare cum ventum, hi submersi : illi egressi sunt in terram sanctam , sive vel morbo, vel vestium attritione ; ita corpora ex terrâ egressa, judicii Divini mare transire habent ; in quo peccatores peribunt , iusti pertransibunt ad gloriam. Quales duo cum Joseph capti, Gen. 40. ambo è carcere sunt educti , sed hîc in malam crucem , ille ad pristinam dignitatem. Et verò potens est Deus nos resuscitare ; Nam , qui ex nihilo creavit omnia , facilius potest idem mortuos ad vitam revocare.

Emblemata selecta  
LXXXIII.  
MUCHAS PALABRAS,  
PORHAS OBRAS.



*Assum irritas, catulo latente, Leonem;  
Facto opus est, quoties ubi verba valent.*

Multa



**M**ulta verba, opera pauca. B. Jacobus cap. i. admonens homines, ut ex divino verbo fructum perciperent, & secundum illud operarentur, admirabili quadam similitudine explicuit, quod ex eo, quia illud audientes non servarent, proveniebat, quod illud opere non exequerentur, dicens: *Esote factores verbi, & non auditores tantum, fallentes vosmetipsos; quia si quis auditor est verbi & non factor, hic comparabitur viro consideranti vultum natiuitatis suae in speculo; consideravit enim se, & abiit, & statim oblitus est, qualis fuerit.* Posuit similitudinem viri; quia qui sunt viri, & non faemineis moribus assuefacti, si faciem in speculo aspiciant, est tam celeriter, (& ut ajunt per transennam) ut statim obliviscantur imaginis suae illic perspectae: non ita mulier, sed prolixè se contemplatur, ac faciem secundum speculum exornat. Siquidem ergo hinc S. Apostolus comparat verbum Dei speculo, advertite in eo maculas defectusque vestros, eosque corrigite, ac valdè prolixè in illo vos aspiciate, ac secundum illud animas vestras componite, ut fructum bonaeq; opera proferatis,

Emblemata selecta  
LXXXIV.  
PENSO ABSOLUTO.



*Munia sic quisquis peragat sibi credita vita;  
Mors donec solvat fessa laboris onus.*



## Sacro-politica

### LXXXXIV.

**U**Niversalis rerum omnium Dominus, qui nos vocat ad observantiam suæ S. Legis, est Dominus tantæ nobilitatis, ut de eo dicat David. Ps. 85. *Quoniam tu, Domine, suavis es mitis; es multæ misericordiæ omnibus invocantibus te.* Tanta ejus suavitas, ut ad se nominandum, non dicatur Dominus familias, quod est nomen Majestatis, sed Pater-familias, ut nos confortet, ut libentissimè ad ejus servitium accedamus. Ut primum rationis usus illuceffit, jam Deus est tecum, ne ad sathanam discedas. Sunt homines tam dulcibiles ad proficiscendum in vineam sathanæ, ut quamvis non vocentur, nec conducantur, aut aliquid præmii illis promittatur, omnes illuc pergant. O animæ Christianæ, quare non erubescitis, cùm tot vocationibus non respondeatis Perseverandum est autem in Dei servitio usque ad finem; Vita enim æterna non nisi perseverantibus dabitur. Matth. 24. *Qui perseveraverit usque in finem, hic salvus erit.* Hanc conditionem sæpè repetit Scripturâ, ut eam tanto profundius animis nostris imprimat. Corona non datur inchoantibus certamen, aut cursum, sed currentibus usque ad metam. Stabilis mane in bono proposito, atq; in gratiæ statu firmus. Non aliud vult Scriptura sacra, dum monet, ne simus claudicantes, ne simus ut fidei errantia, ne ut Luna mutabiles.

Emblemata selecta.  
LXXXV.  
OMNIA MERCURIO SULPHURE  
ET SALE.



*Principium trinum est, quo cuncta creata ligantur;  
Si dubitas, faciunt hæc resoluta fidem.*

*Multa*



## Sacro-politica.

### LXXXV.

*Multa in triplici numero sunt disposita.*

**S**ic in Angelis tres sunt Hierarchiæ, in unaquaq;  
tres Ordines, in unoquoque Angelo tria distin-  
da: Essentia, Virtus & Operatio.

Item Deus triplicem ordinem creaturarum institui:  
Spirituales, corporales, & partim spirituales &  
corporales.

*Hic numerus trinus frequens est, & mysticus in S. Scriptura.*  
Tres sunt filij Noë, ex quibus omnis natio deriva-  
tur. Gen. 6. 10.

Trium Deus specialiter dicitur, Abrahæ, Isaac & Ja-  
cob. Exod. 3. 6.

Trium Dierum viam ambulant exeuntes Ægypto.  
Exod. 8. 27.

Tres in montem ascendunt: Moyse, Aron & Hur. Ex. 17. 10.  
Tria erant in arca: Virga Moyse, Tabulæ Legis, & Manna,  
Hebr. 9. 4.

Tres erant Vibes refugij ultra citraq;. Deut. 4. 41. N. 35. 6.

Ter in anno Templum invisebant Judæi. Exo. 23. 17. & c. 34. 24.

Terse Elizeus mensurat cum puero. 3. Reg. 17. 2.

Ter Daniel orat, ac ter genua in die flectit. Dan. 6. v. 10.

Tribus diebus Jonas est in ventre Ceti. Jonæ 2. 1.

Tribus diebus & tribus noctibus jejunat Esther. Esth. 4. 16.  
*In novo Testamento.*

Tres Reges tria dona ferunt. Matt. 2.

Ter eundem sermonem orat Christus. Matt. 16. 44.

Tribus diebus in morte Christus. Mar. 8. 31.

Tribus diebus non Manducans, nec bibens Paulus. Act. 9. 9.

Tres Angvas sanctificat Christus, sub quibus omnes aliæ.  
Jo. 19. 10.

Tres Apostoli in Transfiguratione. Luc. 9. 28.

Tres status & Imperia Christi: Cœlestium, Terrestrium &  
Infernorum. Phil. 2. 10.

Tres ab omni parte portæ in Civitate Dei. Apoc. 21. 12.

*Hæc ex multis paucæ,*

Emblemata selecta  
LXXXVI.  
PURGATORIUM ANILE,



*Noſte dieque gerit lites Plutonia Coniux,  
Anne verò hæc purgans ſcava ſit ignis annus?*

Non



**N**on est animal vitulentius muliere malâ; Hinc Ecclesiast. 29. *Brevis omnis malitia super malitiam mulieris*; Undè significaturus Deus, nolle se ultra misereri Israël, Oseæ mandat, ut ducat uxorem, filiamq; primogenitam nominet Absq; misericordia; quia non addam ultra misereri domui Israel. S. Joannes Apoc. 9. scribit se admiranda vidisse: Locustas similes equis paratis in prælium, habentes caudas similes Scorpionum, dentes Leonum, capillos mulierum, & potestas earum nocere hominibus. Obsupescendum profectò, Spiritum Sanctum, ad declarandum locustarum harum malitiam, cuncta adeò horrenda apponere, equorum sævitiam ad prælia paratorum, Scorpionum virus, dentes Leonum, ac suprâ caput earum capillos, mulierum ut malâ muliere nihil esse pejus denotaret. Sapiens ac breve dictum est: *Brevis omnis malitia super malitiam mulieris.* Eccl. 25. Benè Comicus.

*Feris omnibus agrestior mala mulier;*

*Par est leonæ & mulieris crudelitas.*

Euripides in Phænis:

*Mulier efferaçissimum malum est:*

*Vbi mulieres; ibi omnia malâ sunt.*

Chryl. Quid Leone sævius? Quid serpentibus aut draconibus atrocius: Sed hæc animalia in malo, mulieri inferiora sunt.

Menander: *Mare, ignis, mulier tria mala:*

Emblemata selecta  
LXXXVII.  
ΑΕΤΤΡΑΙ ΦΡΟΝΤΙΑΕΣ.



*Ætas quaq; vices habet, & sua temperat aña,  
Præferat inventis ut meliora bonis.*

Humana



Sacro-politica.  
LXXXVII.

**H**umani generis, sicuti cæterorum omnium, præcipua incunabilis custodia est. In arboribus rami nascentes obsequuntur Agricolaë: cujus d. Ætu vel in altum enituntur vel ad terram proni defleunt; Ita puerorum animi, parentum velut obstetricum manibus fingi possunt, certâ & insequuturam ætatem mensurâ imagine.

In adolescentiam deinde productos, primamq; juventutem, ipse impetus sanguinis, viresq; jam se nimis cognoscentes, prorsus immutant, & animum abripiunt per in consultæ fiduciæ ac securitatis æstus. Tunc primum idonea deliciis ætas est, nec plus de voluptatum sensu gaudet, quam quod illas audeat impunè experiri. In posterum consulere ideò nesciunt, quia adhuc crudæ vires non reputant se obnoxias esse fortunæ: & prætereà lætarum rerum species tunc animos ita implent, ut severiori prudentiæ, quæ primo aspectu molesta est, in iis nihil vacet.

Excipit juventutem statâ ætas ac virilis, media inter adolescentiæ præcipitia, pondusq; senectutis. In hac adeò cum animo corpus viget, ut tunc demùm verè hominem esse credideris.

Sed hanc denique pulcherrimam vitæ partem senectus, velut aliquo æstu sensim inundans, sanguini primùm, & mox ingenio, suum frigus infundat. Omnia solent anxiam nimis cogitatione versare, tam quæ ipsi effugere, quàm quæ alios perdididerunt. Sic rerum vertitur ordo.

Emblemata selecta  
LXXXVIII.  
LA LANGUE PERD LA LANGUE.



*Sapè parit petulans langvorem lingua: quid ergò  
Lingvâ doles, quum tu causa doloris eris.*



Sacro-politica.  
LXXXVIII.

**P**ericulosum lingua membrum est; Ut verissimum sit Jac. 3. *Qui non offendit verbo, hic perfectus est vir.* Quis perfectior Jobo? quem etsi omnibus membris percusserit sathan; non tamen in lingua. Fortè ut hanc ad peccandum relinqueret potentem; Undè Job. 19. *Adhæsit os meum carni meæ, & derelicta sunt tantummodo labia circa dentes meos.* q. d. omnia afflicta sunt in me, sola lingua superat intacta. Fortè, quia tam est periculosa, duplici eam Deus septo munivit. Plinius ait, duas in eâ venas esse! una ad cerebrum, adusq; cor altera pertingens; id discimus tum moderatu esse sollicitam ac difficilem: tum orationis cum ratione & corde esse consensum oportere. Quare Eccl. 28. *Verbis tuis fac stateram, & frenos ori tuo rectos: & attende, ne forte labaris in lingua, & cadas in conspectu inimicorum demonum.* Frena sunt Dei amor, timor; pudor tui & hominum; silentium, secretum, detractionis odium.

*O scintilla! quantos sapèdas ignes?*

Eccles. 22. metuebat Sapiens: *Quis dabit ori meo custodiam, & super labia signaculum certum; ut non cadam in ipsis, & lingua mea perdat me?* Plus diffidebat lingvæ, quàm fideret suæ sapientiæ. Ac tantò sapiebat divinius.

Emblemata selecta  
LXXXIX.  
NUBE PARI.



*Cervis in exemplis Hecubam. quam duxit Adonis;  
Si placida bene vis nubere, nube pari*



Sacro-politica

LXXXIX.

*Si qua voles aptè nubere, nubepari.*

**V**Erè bonum est homini mulierem non tangere. 1. Cor.  
17. Quia uxorem accipere, est libertatem vendere. Socrates percunctanti, Quid sit uxorem ducere? ait: Quod nafsâ concludi; ut enim nantes circum nafsâ pisciculi vellent intus esse; sed foris, qui sunt intus; ita uxorati ac libèri. Quæ his rosæ videntur, ac mella; istis sunt spinæ, ac fella. Nemo novit, ubi me calceus premat: ego sentio; dicebat Æmilius Paulus, cognatis disuadentibus, ne uxori pulcellæ, prænobili, daret repudium. Plutar. in Æmil. Paul. 4. Cicero repudiatâ Terentiâ, roganti Hircio suam duceret sororem, actis gratiis, negat amoris & Philosophiæ convenire, nec eâdem sede morari posse. Hier. l. 1. contra Jovinianum. Quare, ut Philemon Comicus agebat, Hominem in vita semel concendere mare, mirandum est; at expertum repetere, hoc mirum. Mare matorem mulier.

Emblemata selecta  
C.  
VERITAS MIRE PATESCIT.



Sapē etiam est fatuus, vel simplex pusio vates:  
Abdita cūm Fatum vera aperire volet.



## Sacro-politica.


### C.

**T**Andem Veritas in lucem prodit, atque omnibus conspiciendam se pæbet. Ex ore parvorum, quin & stultorum veritas manifestatur; Et veritas tandem omnibus prævalet. Jucunda est la Historia, quæ tertio Esdræ libro ad longum describitur, quod sc. tres Regis Darii Ephebi, cum ipso Rege, ejusq; Consiliarius, ac totius regni Viris doctissimis, disputarint, quidnam in toto universo fortissimum existeret; Vinum primum, alter Rem tertius mulieres, præ omnibus autem veritatem eminere asseruit; Veritas enim manet, & invicta scit in æternum; nec enim apud eam est accipere personas, neq; differentias, sed quæ justa sunt, facit omnibus. Benedictus Deus Veritatis. Et desinit loquendo. Et omnes populi clamaverunt: Magna est Veritas, & prævalet.

F I N I S.









SPECIAL 85-B  
26602

GETTY CENTER LIBRARY



